

序

蜀碧者哭蜀也哭蜀者
所以著楊嗣昌之罪而
憫卻捷睿之愚以弔忠



x
DS
753
.P46
1745
v.1

University of Virginia Libraries, U.S.A.

魂烈魄於地下也蜀之
險甲天下絕其要塞雖
百萬可立控焉賊一入
寇秦良玉扼之向非賂

卽捷春之死也猷賊之
三入蜀也乃衛屠戮流
血成川蜀之受患極矣
當是時自縉紳以至氓

三
無盡節者不可勝數凡
閨中婦女或閉戶自焚
或罵賊以死者無算也
戎事倥偬其事不以盡

四
傳傳者又莫由表述其
之於春使後之君子得
以考之則死者可以無
憾故曰哭蜀者所以弔

忠魂烈魄於地下也彙
者余嘗論其大略特未
暇詳今余弟磬家琛擇
成編頗為詳悉是固大

陳奇瑜脫去則賊之亡
久矣嗣昌委賊於蜀夫
人知之而捷春不知也
撤夔萬之藩籬守重慶

止門戶使賊得入出入
縱橫而霖所忌此其罪
在誰乎故曰哭蜀者所
以著楊嗣昌之罪而憫

有走也嗚呼蜀非有深
怨積怒於賊也而殘忍
苦害果天命為之耶抑
人事使然耶覽是集者

必將有勤懇泣下而不
能已者已故曰蜀碧者
哭蜀也樂竺彭端洲撰

義例總言

崇正七年賊始禍蜀亂之初生實維元年書賊起從其朔也
獻初入蜀受創未深危亡之形非自丁丑賊蜀者關其先也
閩部督師而以蜀為空撫臣拒諫而動矣機宜破軍殺將流
毒生靈厥罪維均也請餉不與請召募不與國既卒斬又將
誰懟而社井星幕闔宮安爐猶是國君死社稷也蜀中文武
協心復仇衽草枕戈不忘討賊事雖不成亦足為烈于天下
也天鳴地震水溢山崩物怪人妖鬼魅瘟疫亡國之徵孽不
虛作也忠臣義士節婦烈女內而細民外之土目無微不至

表幽魂伸鬱魄也勝廣挺漢高興程李熾唐宗出韓劉亂明
祖起駮爵驅魚寶陰相之終之

王師平蜀冠盜之禍天所以開

聖人也二十年中天地沉迷生民礫裂燕巢林木雞犬字音
荼毒之慘于斯已極李賀所云恨血千年化為碧也甚多緒
襟鋪次為難晰目總綱毫末可了書法儼之古人公案使於
閱者非敢比吳楚之僭王也乙丑八月中秋後總言

目錄

一卷

起戊辰崇正元年止癸未

二卷

起甲申

世祖章皇帝順治元年止本年十二月

三卷

起順治二年乙酉止順治四年丁亥

四卷

目錄

起順治五年戊子止

祖仁皇帝康熙二年癸卯

附記

十五條

蜀碧卷一

起戊辰
止癸未

丹溪生彭遵泗著吳編述

戊辰崇正元年冬十有二月陝西賊大起

陝西連歲大稔平涼延安間饑民相聚為盜首亂者王子
順苗美張聖姬三兒王嘉允黃虎小紅狼一丈青龍得水
混江龍掠地虎上天猴關王孟良劉六等名目甚眾督撫
討之久無成功其後併小為大李自成張獻忠虎視鷓鴣張
秦楚豫蜀之間戰無堅陣攻無堅城肝膽塗中原而明社
屋矣

丹稜學博何簡云大放開蜀大旱遵義守令集黃冠禱雨拜章者伏地彌日及起守詢之云上帝召天下都城隍議事章出甚遲問議何事云戰場始於陝西至崇正初年秦中賊果起○脩明季遵義人

己巳四川地大震○是後不書四川所紀皆蜀事也

庚午秦蜀二境擊柝相聞賊既亂秦蜀豈無知而瞿塘劍閣間不聞修邊備實軍儲袖手以待賊入何與備叙歲次痛當事無陰雨之憂也

未辛

甲戌 丙辰 丁巳 戊午

春正月叙州母猪洞銅鼓鳴蒼聞一晝夜

二月流賊張獻忠始自楚犯蜀○獻忠陝西膚施人本將家子少時從軍犯法得總兵陳洪範赦免刻梅檀為洪範像事之其為賊也與羅汝才同起獻忠身長而瘦面微黃鬚一尺六寸僂勁果俠軍中稱為黃虎又號八大王二月自鄖陽渡漢犯襄陽連陷紫陽平利白河等邑遂入四川賊陷夔州府及大寧大昌開縣新寧諸邑○賊至大昌人

皆走避有羅傑者獨坐室中正衣冠閱書史賊入罵之遇害

賊犯梁山邑人中書涂原擊走之○原以中書家居賊至集鄉勇與賊箚鉗間伐大松蔽山徑而用竹筒囊石飛擊之又以毒矢射賊中者見血立斃賊敗退入巴州為川兵所破去攻太平石碛女土司秦良王將兵至夔蜀撫劉漢臣運長壽之米順流濟師賊知有備不敢攻太平圍解漢臣及按臣黨崇雅請用涂原以蜀人治蜀兵不許

賊攻保寧不下走犯廣元城上發礮石擊之遁○賊攻保

寧推官張一鶚按臣劉宗祥川北道夏時亨共謀守禦不能下走攻廣元圍七晝夜城上人發礮石擊之賊遂遁方賊犯夔陵松滋入歸巴萬山中荆州推官劉振翼提施兵從戰香溪壩平陽壩斬獲殊衆而楊正芳有金沙舖之捷李甲有蓮花白溝二坪之捷鄧現有胡地冲之捷許名成有仙女山之捷當時川撫若董石碛兵力扼巫夔不令得入諸鎮殘力可望成功迺施兵以援荆東下舍之勿追夔關天險無一人敢誰何此賊入蜀之始也

丙子春賊既退秦楚間着封數陷蜀王泄泄然不知遠慮成都
令吳繼善痛哭于王之朝以書諫曰高皇帝衆建藩輔基
置繡錯數年以來蹈命亡氏失其國家此數王者非真有
敗德失道見絕於天也直以擅富貴之資徂便安之計為
賊所利而不思自全此非殿下前車之鑒乎今楚氛日惡
秦閩失守曹閩姚黃陸梁左右殿下付之悠悠而不恤夫
全蜀之險在邊不在腹若設重戍於夔門劍閣誠足自固
否則黃牛白帝亦屬彘唐黑水陽平更多岐徑迺欲坐守
門庭謂為設險不可解者一也往者蘭首撲滅獻賊逃遁

止以蘭兵力有虧獻地利不習今者荆襄撤其藩籬秦隴
寒其唇齒揣量賊情益無瞻忌而欲援引前車與倖將來
不可解者二也至于錦城之固不及秦閩白水之險寧踰
湘漢此可恃以無虞彼何為而失守且城如孤注救授先
窮時及嚴冬長壘尤易累卵不足喻其危厝火不是明其
急而猶事泄泄以幸苟免不可解者三也為殿下計宜名
境內各官詔詔謀議發帑金以贍戍卒散朽粟以慰饑民
出明禁以絕廝養者頭鬪積逋以免流離溝瘠募民兵以
守隘結委日以資援政教內修聲勢外振則可易危為安

轉禍為福苟或不然蜀事誠莫知所終矣竊為殿下危之
王不能用○時姚黃賊初起繼善江南人才辨潤達有謀
略後殉難于蜀

丁巳閏四月雅州地震馬湖四土洞地震者二叙州建武廬州

越雋皆同日震

五月闖賊李自成自秦州犯蜀連陷南江通江等邑尋退
去

劍州大水○先一日沿灘積石數百皆反覆無定及水至
民登州堂以避者免餘俱漂沒黃腸凶具架屋標者崇崇

九月黃安地震榮縣黃時太家地鳴聲聞半里○是月給
事中吳宇英言于朝曰臣鄉以策書徵令救閩中者無已
壯丁死於瘡痍老弱困於騷動以此城邑空虛闕潔不戒
賊以緘抵隙連陷南江連江二邑鎮臣侯良柱猶以賊遁
為功易視賊占曰地震主兵又曰地鳴者伏屍流血災不
徒設臣竊憂之

十月丙寅李自成由漢中趨攻廣元總兵侯良柱戰死○

李自成混天星過天星等以十月初三日破漢中之寧羗
州分其軍為三一由黃壩攻七盤關一由梨樹口麥坪入

廣元一由陽平陽過青岡坪土門塔向白水侯良柱壁廣
元賊至力戰死於陣賊結七十營於烏龍山下良柱遂陣
亡有屍無首後劑生前官職

賊陷昭化知縣王時化死之○初五日賊分兵守二郎關
初八日從淺灘過河破昭化知縣王時化不屈死

賊破劍州知州徐尚卿及州人楊子鼎等死之○先是初
九日賊攻劍門州吏士塞石牛道賊遂回屯江口初十
日疾趨攻劍州城將破知州徐尚卿台士民語之曰城不
可守吾惟有死耳爾等避之衆不忍去尚卿書城空不可

守仗節為誰危苟窺邪無計殊羞孤影隨教語歷於懷于
鼎與尚卿共守城城陷尚卿自縊死于鼎率子姪諸孫令
青等督衆巷戰奮臂擊賊賊怒解以死于姪皆被殺
漢州知州陳雲鵬為賊所執欲授以官不從死之

賊破梓潼○十二日梓潼被庠生趙節妻魏氏被執給賊
曰家有積金窖之江邊願取以行賊喜同至圍于潭氏奮
身投水死

賊陷江油執知縣馬弘源○賊破梓潼三分其軍一往綿
州一往鹽亭一往江油江油陷知縣馬弘源被執不死尋

提問

賊攻縣竹諸生王鐸及其妻趙氏死之○賊至巴陵入潼水趨維江德陽漢州聞風先潰攻縣竹至邑中劫王鐸與妻趙氏令之跪鐸大罵不屈賊以兵脅趙氏氏亦大罵賊又殺之時貢生施奇與妻姜氏避亂西山聞賊近恐其辱也拔一簪投婢曰吾不能逃汝速去萬一得生汝主自北歸來持此語之我不敢為家門羞嗚畢投崖死

賊焚新都越一日焚彭縣

賊掠郫縣主簿張應音死之攻溫江丞簿嚴禁囚逃

賊破金堂典史滿夢科死之○鹽亭一股賊抄西充折遂寧趨潼川直走金堂攻破之夢科不屈死自是重慶以下皆戒嚴矣

賊圍成都二十日○蜀五之增檢利焉

冬十有二月總督洪承疇總兵曹變蛟帥師援蜀次於廣元○初巡撫王維章以賊去而侯良柱撤隘兵也相齟吾上書言之朝廷深以為憂維章守保寧良柱守廣元及廣元破良柱戰沒賊直逼成都維章及在其下不及接按臣陳廷謨雖橫總兵羅尚文集永遵松茂之兵來援又自以

使事訖察按臣梁士濟已至意可弛擔有諾維章良柱俱削職戴罪自贖廷謨降三級蓋不知良柱之死也時輔臣劉宇亮宗人殲于綿竹告家難上建治維章以傳宗龍代之

戊寅春正月洪承疇大敗關賊于梓潼賊還走陝西○是役也賊陷州縣三十六蜀劍甚

夏六月秦寇再入蜀○寇田陽平白水再入蜀巡撫傅宗龍以滇兵二千與蜀帥羅尚文謀戰守却之

卯春正月保寧天鼓鳴○時成都東嶽廟玉帝像自動不止

夏五月以參政邵捷春撫蜀○代傅宗龍也

秋八月大學士楊嗣昌督師討賊○先是十一年夏四月張獻忠偽降於穀城理臣熊文煥責歸黃金贖裹千珠琲盈斗他貨累萬受其降及是年五月獻忠復叛攻殺知縣阮之錫漢東大授上命閣部楊嗣昌督師討之賜上方劍宴於平臺後殿上手觴嗣昌三爵賜以詩云鹽梅今暫作千城上將威嚴細柳營一掃冠氛從此盡還期教養遂民生書用黃色金龍蠟箋後署云賜督師輔臣嗣昌

張獻忠寇蜀官軍敗績于湯家灘○先是左良玉羅漢山

之敗在七月獻忠謀入秦秦督鄭崇儉率副將張應元汪之鳳賀人龍李國奇抱興安賊犯興山太平等縣屯於水寧關大巴山分水嶺秦蜀之交界又從義溪走馬家洞沙子嶺以關合江從鹿耳坡高竹坪以窺方園安分地拒險八月官軍敗績於湯家灘之綸力戰不支都司何明沒於陣禪將

又傷

九月方園安部將岳宗文禪斂破賊於三尖峰○時又破之於黑水河張獻忠雜汝才分其軍自白水之碧魚口入

秦合江之萬家坡入楚

冬十有二月流賊羅汝才犯蜀○汝才縛魏曹操先豫中童謠云鄴臺復鄴臺曹操今再來汝才因假以為號

庚辰春全川地鳴

夏五月石柱女土官秦良玉大破羅汝才於夔州○汝才入巫山為良玉所扼遂犯夔州良玉師至迺去已而邀之馬家寨斬首六百級又追敗於留馬埡斬其魁東山虎復合他將大敗之於譚家坪比平又破之仙寺嶺奪汝才大盡擒其渠副塌天等六人賊走大寧

六月安岳紅雨着物俱赤色

秋七月督師楊嗣昌駐師夔陵○時張獻忠敗於瑪瑙山
遣間說左良玉曰獻忠在故公見重良玉迺圍而不攻賊
得與山民市鹽芻米略收潰卒養殘傷久之自與房走白
羊山西合羅汝才悉銳來攻夔州官兵大潰楚將張應元
中流矢突圍走秦將汪之鳳等戰死嗣昌在襄陽聞之迺
進師夔陵

嗣昌虛恢自用又煩瑣無大略軍行必自裁進止千里待
報動失機宜其駐夔陵也楷幕士飲酒賦詩一月不進取

華嚴第四卷謂可咀蝗已早公然下救郡邑且以上開朝
士聞而歎曰文若其將敗乎擁百萬之衆戎服講經其哀
已甚將何以戰嗣昌楚人不欲賊一騎蹂楚其初至軍即
謀以蜀困賊謂蜀地險遠極邊則松潘諸蠻吾藉將士力
感賊而致之蜀蜀能守則守不能守棄浩萬松雅之間以
鳴賊秦兵斷棧道臨白水滇兵屯曲靖扼白石江我率大
兵掩擊其後驅入松潘諸蠻中可制賊死命又恐蜀之門
戶堅反而決闢凡蜀兵之強者輒調之以飾他備巡撫邵
捷春戲下止弱卒二萬守重慶捷春憤曰令甲失一城巡

撫坐今以蜀委賊是督師殺我也爭之不能得

時嗣昌又下檄曰賊東走大寧大昌由彝陵下荆襄者我當之西走紫興房竹入秦者左良玉當之伺四川走夔門部提春當之又令蜀無棄兩者界中三十二隘口專守夔門用楚大兵從竹房逼賊於大寧大昌勢如圓盤點滴不漏捷春意其以失地相害也堅守各隘會隘將覃思岱楊茂選者不相能思岱陰中茂選捷春不察立召茂選斬之即以兵屬思岱一軍皆怨相率委去賊遂從此隘入諸隘駭散賊直斬夔關從白馬渡過江壁達州西關蹠及達縣

矣

巡撫郤捷春移秦良玉兵至重慶○時知縣州陸遜之輩官歸捷春遣往接行營壘過秦秦冠帶佩刀出見左右男妾十餘人然能制其下視他將加肅為陸置酒歎曰郤公不知兵吾一婦人受國恩應死所恨與郤同死耳之遜請其故良玉曰郤公移某自近去其所駐重慶三四十里而遣張令守黃泥窪固已失地利矣賊在歸巫萬山之上俯瞰吾營鐵騎建瓴而下張令破次及我我敗尚能救重慶之急乎且關部驅賊入蜀無知愚皆知之不及此時爭山

奪險令賊毋敢即我而坐以設防此覆軍之道也

九月張獻忠陷大昌總兵張令死之捷春收兵扼梁山○先是萬元吉駐巫山邵捷春駐大昌相犄援捷春用其將邵仲光之言以大昌之上中下馬渡水淺地平難持久迺掘水寨之觀音巖為第一隘而夜又嚴三黃嶺磨子巖魚河洞下涵諸處各分兵三四百人以守元吉以兵力弱為憂賊以九月先突觀音巖三黃嶺窺下馬渡無備破之元吉急檄諸將邀之於讀家嶺七善坎乾溪而張奏凱以專兵屯淨壁捷春用羅洪政沈應龍二將兵助之已而獻

忠從竹茵坪突過淨壁進屯開縣○昌聞蜀兵潰取觀音巖守將邵仲光斬以徇是時張令中流矢死石砮軍亦覆沒令故奢崇明降將年七十餘能馬上用五石弩中必貫革忠勇善戰軍中號神弩將捷春倚之然性輕敵時有賊策一騎於山呼其壘曰誰是張將軍令易之躍馬出賊曰若善弩令用相報發矢中項以致良王兵既敗單騎見捷春曰事急矣盡發吾溪洞之卒可二萬我自餽其半半饋之官足破賊土官家調兵用一箸一帚者策急著以能飯者罕至帚則掃境盡出也捷春見嗣昌與已不相能而蜀

無見糧餉寨之人詎可信遂謝良玉言不用自刎其兵扼
深山

時有降賊目請於捷春曰甚降有日矣而公不我用有疑
我心乎部曰軍機大事汝新從賊來固不能無疑賊曰吾
從賊久恨失身欲圖報國公疑則速殺我否則當早用吾
計令賊大眾既疲乘饑可滅倘有他賊以軍糧接濟者雖
百萬衆無能破之矣捷春從之賊感言諸賊山中所害金
銀處以動將士而道上所遇皆箠等無人名其死者剖其
腹盡草樹皮謂可信迺盡新募軍者二萬人深入皆覆沒

馬

捷春退屯縣州口羅汝才既與張獻忠合獻忠以梁山河
水深不得渡謀於汝才曰達州河淺不如自開縣西走復
東向而趨達州是時方國安招集殘兵保達之郊獻至不
敢爭賊遂渡河長驅深入捷春退屯縣州扼涪江

賊赴漢中趙光遠賀人龍拒之復走巴西○捷春既扼涪
江賊聞疾走劍州越廣元將從間道趨漢中趙光遠賀人
龍拒之於陽乎百丈二關不能進迺踰昭化復走巴西張
應元合楚蜀兵邀之於梓潼戰小利賊反關被劓蜀將曹

志耀王光啟張世福力戰却之降將張一川等陣亡涪江軍聞之遂潰

賊屠縣州拔春歸成都賊逼成都○賊從縣趨攻內江內江有土司家將毛文者設守賊至文與賊大戰之於東瓜崖殺其渠魁曰曹四賊因偃旗鼓疾走成都成都城龜形其下皆甃石惟北角被用土填築少瑕賊夜至穴城數處將穿矣城中出董卜蠻者與之戰敗大賊殺其卒萬人迺遁

冬十月參足突入玉井○占白虎狼暴害其時獻方蹂躪

四川蓋其患也

十一月連邵捷春論死○嗣昌先以大昌失事計捷春罪用監軍道廖大亨代之捷春為人清謹有惠政士民哭送者載道舟不得行賊逐散旗官蜀王疏救不聽

楊嗣昌進軍駐重慶○嗣昌幕下評事萬元吉饗士於保寧用猛如虎為正總統張應元副之令率其軍趨縣州諸稱分屯要害而元吉自閬道走射洪過蓬溪以待賊時賊屯安岳周里場知官軍至宵遁如虎選騎逐賊元吉與應元營安岳城下以截賊歸路是月也賊縱掠什邛縣竹安

縣德陽金天殿以府門外屋為朝房詔民間皆稱老萬歲
又建東西二府以可望定國居之命皆稱千歲是日殿前
賜各官朝服令丞相以下朝罷齊集朝房議事

賊取井研陳氏女即相國演女或云胡氏女立為偽后其
迎入也自南門五里外架橋高十數丈踰城直達藩府左
右五綵欄檻上結錦綉絡以明珠象星辰首尾懸水晶燈
籠象日月一望如長虹亘天迷離奪目論東云天賜后也
封其兄為國戚不十日皇后賜死其兄亦受極刑賊於是
令兵馬於城上大橋出入

開科取士中鄉試者八十人中會試者五十人以漢州樊
姓為狀元一云姓劉榜探皆具獻自為萬言策歷評古今
帝王以西楚霸王為第一命頒布學宮所取狀元後隨川
北不知所終 或曰傳臚後賜美女酒緞甫歸令人就其
家斬之其餘俱以受職死

竇寺廩賊北竄永川逆而擊之可以盡殲已而抵立石賊
營先殺秦師屯小市廂隔水而陣賊渡南溪秦兵縱之遂
越成都走漢州德陽元吉單騎至藉曰鋪賊渡縣河入巴
州嗣昌既誣監軍謀不用將以明年正月自統舟師赴雲

陽撤三軍陸行疾趨追賊母令他佚諸將迺盡從瀘州蹻賊後賊反而東走諸路盡空不可復過于是自巴抵達及於新開

巳午

春正月己丑總兵猛如虎追賊及開縣之黃陵城敗績叅將劉士杰等死之○官兵追賊至廣陵日晡雨作叅將劉士杰環甲持矛推陷賊陣賊衆披靡後軍無繼者賊密抽騎越竹箐中乘高大呼馳下士杰及遊擊郭開猛如虎之子先捷力戰皆死如虎率牙兵麇拒中軍馬智挾之衝突潰圍走盡符蓋失嗣昌在雲陽聞敗頓足歎曰吾不用萬

監軍之言以至於此賊遂東下

萬元言永川之議也猛如虎先行詢鄉導無一人應者元吉輕騎至城中惟丞簿一二人縣令戴堯雲已先期遁及諸將會於瀘中軍陳可立擁羣牛頭山飲倡樂以觀闕元吉令之赴賊背道馳去如虎所將寧國兵止六百騎餘皆平賊鎮兵平賊鎮左良玉驕悍不法流言云想殺我左鎮跑殺我猛鎮蓋諸軍隨良玉優游不戰而如虎逐賊日馳風雪中不樂也未幾大噪西歸易曰師出以律否滅凶嗣昌之軍律如此宜其凶終也

元吉以嗣昌薦起自廢官欲乘時會以立功名當自保寧
趨達州時賊燒絕驛置七百里不見烟火單騎崎嶇首銑
間至江舍騎放舟始及大軍故一見督師即請分兵以為
後距開縣之敗元吉親至戰處為文以祭陣亡將士劉士
杰等哀動三軍在夔門收名殘卒登白帝以望賊騎歷歷
在山谷間我師川湖諸將反出其後無一人禦之者不覺
撫髀流涕而痛昔日吾謀之不用也

三月揚嗣昌至荊州之沙市自殺○嗣昌引兵歸楚傳箭
名潰卒順流東下而賊已靡捲出川率輕騎一日夜馳三

百里殺者師使者於道取兵符馳呼襄陽城門入之夜半
從中起城遂陷獻忠縛襄王置堂下屬之酒曰吾欲斷嗣
昌頭嗣昌在遠今借王頭俾嗣昌以陷藩伏法王努力盡
此酒遂害之嗣昌羞憤抵荊州沙市之徐家園伏毒以死
壬午夏達州城濠水盡變為血城中井鳴○又劍州民家有滴
血汚其門城中斂萬戶皆同

冬十月松潘兵變○松潘遣兵以索餉不給聚眾數萬為
亂巡撫陳士奇以禍福諭之眾迺定

癸未夏大足縣李結實如刀豆川南李生黃瓜○占云李生黃

瓜民皆孟家什譚之非也時民家有貯米箕中者粒粒躍
出傾刻布地

又梓潼縣龍江寺僧晨起汲水見霞光燭天潛伺之少頃
有鱗浮出澗水喻時迺隱未幾厥逆入

蜀碧卷一終

* DS
753
P46
1745
V. 2

蜀碧卷二

起甲申止本年十二月

丹溪生彭遵泗蒼泉編述

甲申是年三月十九日關賊李自成臨京師懷宗殉社稷

夏五月我

大清

世祖章皇帝定鼎燕都是為順治元年○是歲八月獻賊陷蜀

春正月日赤○日中有赤氣數道下寬上銳自東指西又

日月無光赤如血仰視北斗皆不復見

大星出西方○芒彗閃鏢不定至獻賊滅後遁隱

彭縣白鹿山裂

張獻忠復自楚寇蜀正月夔府臨○先是崇正十六年獻忠破江西廣東諸郡縣再入岳州或有進策東下取吳越者獻忠以左良玉駐武昌忌之逆決議入蜀時蜀撫陳士奇性率傲無他善略緣劾候代軍不放糧十三隘口無分遮者賊至梅子坡山而餓以無兵故入之秦良玉馳援衆寡不敵潰正月陷夔府

賊入萬縣貢生吳獻禁被執不屈死○獻禁被執強以為參軍不受賊怒斷臂解脫而死其子之英痛父亦被磔焉

時賊攻梁山邑人高宗舟副榜率鄉勇守北門城陷疾歸家令妻孥皆自盡作書付僕使聞道達父所而身統家奴二十餘人巷戰被重傷死奴輩從之又執庠生古元直妻譚氏氏大罵觸階而死賊掩其屍而去

賊屯萬縣○江灘水漲賊不得上留屯者三閱月民皆逃避賊誘以降者不殺既出悉驅之入水

夏四月叅將曾英敗賊於忠州○賊至忠州英率水師迎之用火攻燒其舟百餘號賊死以千計及英等還守涪州賊遂悉衆屯忠州葫蘆壩

參將曾英及守道劉麟長與賊戰於涪州敗績○賊徒健鬪者十餘萬負載者倍之置橫陣四十里左火右騎翼舟而上時英與麟長守涪州水路趨榮貴守梁山陸路賊至榮貴望風先遁英接戰而敗退至五里望州關賊追及斫傷其頰英手絞數人跳而免與麟長走川南

六月二十日賊陷重慶瑞王常浩及巡撫陳士奇以下各官死之○重慶下流四十里曰銅錮峽上江要路士奇宿重兵以守六月八日獻忠入涪分舟師泝流犯峽而已則登山疾馳一百五十里破江津掠其船順流而下十七日

奪佛圖關賊得關峽反出其下兵士驚擾不能支遂潰賊數十萬至城下士奇等日夜登陴衣不解帶以火灌滾炮擊賊死無數於是賊發民墓凶具負以穴城而置大炮為火攻至二十日夜黑雲四布賊於城角藏火藥數十箇晨起以火箭齊射藥處火發地裂城遂陷王與各官俱遇害瑞王常浩神宗第五子先自漢中奔蜀閩南道陳振羽王麟俱隕西士大夫多孀妻子以從王來至重慶城陷被執時天無雲而雷賊曰若再雷者釋之已而王不死王好佛不近女色丞監以下皆化之吳民有解瑞府糧者無行費

必厚給賞使早歸其死也乘白氣冉冉而沒人謂之兵解
陳士奇字平人漳浦人閩之能文家也天啟進士崇正十
五年來撫川緣劾候代賊既入夔將吏謂公曰卸事撫軍
可以去矣公曰賊自我入川來我去何以對君父義與封
疆共存亡耳城陷與閩南兵備副使陳鍾知府王行儉巴
縣知縣王錫指揮顧景俱死行儉字質行江南宜興進士
賊縛於演武場大罵不絕賊獨之錫字古田江西新建進
士被執慷慨激烈與士奇備受五毒磔死景聞城陷入王
府以己所乘馬乘王轡而走遇賊呼曰賊寧殺我無犯帝

子賊戕王景死之自瑞王以下死者萬人是日天大雷電
晝晦獻怒架飛礮向天擊之天為之霧

賊斷軍士臂三萬七十餘人○時重慶軍士尚有三萬七
十餘人賊盡斷其臂而縱之

賊分兵攻合州諸生董克治起兵拒賊

賊即分兵掠合州克治傾家貲募勇壯殺賊賊大至遇於
長安坪與賊不勝退據碕中誘以爵位不動相守月餘賊
鑿山梯碕舉火薰之凡三千人感克治風義至死無一變
心者時比田橫云入永川色人蔣世鉉集義勇二百人揆

城固守後與賊戰於東門被執勸之降瞠目大呼曰速殺我不降也賊寸磔之邑孝廉梁士騏遇賊執之行欲授以官大怒罵賊被殺

秋八月初九日賊攻成都陷之成都王至河太平王至涪巡撫龍文光巡接劉之渤及諸文武官俱死賊大殺三日賊自重慶趨成都一路州縣望風瓦解烽火數百里不絕成都大震蜀王謀遷於滇按臣劉之渤力持不可內江王不聽與之爭王以六月十三日成行守門卒洵洵亂輜重婦女有被掠者王適止之渤與監紀同知方堯相等請王

出財貨招募死士向東殺賊王以祖制為辭於是城中一日數驚火藥局災雷震官殿大雨雹王懼方出財招募三日人無應之者而賊從資簡至矣是時新撫龍文光總兵劉佳印率三千兵自川北入援謀守禦而王宗大姓逸去者半賊薄城下佳印出戰敗還文光見濠洞急遣邛縣令趙佳煒決都江大堰以益之時賊穴城實以火藥又列大木長數丈者合之鑿以帛貯藥向城樓之渤等厲衆奮擊賊却二三里未幾兩大作雷電交加守陴者不能立賊縱火攻城穴西北堰以大炮擊之錦江樓崩木石飛空蔽地

賊蜂擁而入城破王率嬪妃沉於宮中八角井太平王至
源從馬文光等俱殉難賊大殺三日

成都王至澍嗣王奉銓長子萬歷四十三年嗣城陷自沉
於井邱妃隨王宮人素馨等相繼從死

初高皇諸子蜀獻王好學帝呼為蜀秀才妙選名儒侍講
懋繕寫購藏圖書甚富而世傳獻王得鴻寶之書於內府
子孫善黃白冶化然皆積不用至臨藩亦能伴黃金因特
其都為天險而蜀士大夫以道惡地偏無復多憂迨五月
審知國信七月傳賊將至城中人震恐每夜呼曰闖至矣

明日又呼曰獻至矣王不知所為謀以宮人避於荒富家
亦從孥以出以劉之渤持之不果蜀世有共德王號賢王
特以祖宗之制不典兵不與民事故請餉弗聽請召募弗
聽賊持城下始出金購兵而人莫應二百七十年富庶之
藩封喪於賊手矣哀哉

太平王至涿嗣王奉銓第四子萬歷四十四年封隨居成
都賊入同蜀王投井死

龍文光柳州進士以川北道擢撫四川駐節順慶聞賊趨
成都星馳赴省圖拒守城破投浣花溪死

劉之渤字羽長寶雞進士以御史巡按四川與文光謀守
城被執賊以同鄉欲用之之渤大罵曰死賊我豈從汝耶
賊縛於端禮門外擲矢射之不少屈臨死厲聲曰寧多劓
我一刀少殺一百姓賊磔其屍一時從死者按察副使派
繼孟守西道陳其亦建昌兵備僉事劉士斗監紀同知方
堯相成都令共繼善華陽令沈雲祚耶縣令趙嘉輝教授
何失名長史鄭安民

劉士斗番禺人以進士任成都推官之渤特薦建昌兵備
僉事賊將入之渤趨之行士斗曰安危死生同此耳城陷

死之堯相字紹虞黃崗人兵餉不繼與巡按請於蜀藩不
允遂投王府河以拯起次日被執受害於萬里橋其絕命
詞云時危節見古今同取義成仁且盡忠江水茫茫願借
力此身飄蕩赴團風繼善江南人賊未至上書藩府勸其
出餉募兵累數百言極痛切王不用城破闕家三十六
人同日死難雲祚字子凌木倉人城陷與之渤士斗俱幽
於太慈寺絕粒半月不死賊餽之食誘降雲祚躍起大罵
云吾欲食賊肉耳豈食賊粟哉與二劉同遇害有幼子苟
蔚方五歲友人匿之山中得免越二十年始歸嘉輝浙江

監生令那縣賊圍城濠州文光令決都江堰以益之水甫
至城陷嘉輝還遇賊射之赴水死其子慶麒自浙走萬里
求父屍三年不獲遇堰夫向應奏告以死處為三渡口抬
屍壘土葬焉何教授當城破時坐明倫堂鳴鼓集諸生不
至夫婦自縊

武臣死者劉佳印佳印川北進士賊走成都與撫臣文光
率三千兵赴援比至賊方攻城出戰敗還同文光赴沅花
溪死總兵張奏功禁江人守東門城陷元叙南衛世蘇指
揮同馬震張卜昌鎮守成都合州人罪大爵山東人劉鎮

藩雅州指揮阮士奇撫標參將徐明蛟都司僉書李之珍
或以陷陣死或以巷戰死

鄉官士女殉難者原任順天府治中莊祖詒同弟致仕按
察司祖誥祖誥當賊入壁衣冠端坐於堂大罵賊遇害

原任東瀋知縣乾曰貞賊入城曰貞拒之用磚斃一賊而
死明經印之坊及子庠生祖福居鄉賊遣人招之之坊卧
於床曰吾受國恩已久更知誰耶掉臂復卧不食死鄉執
祖福叱之跪祖福曰朝廷士子豈為賊屈乎大罵而死諸
生王鳴珂妻熊氏被執賊脅之氏罵曰我家婦肯辱身

從汝賊怒殺之

致仕大理寺正主秉乾城陷聖閣家投井以身罵賊遇害
原任宣化府同知王履亨被執至新橋投江死生員劉繼
卓以偽學官楊允升迫諸生應考大罵自刎死聞蜀藩殉
國死者厚任給事中吳宇英原任工部主事蔡如蕙舉人
江騰龍

不就賊死者內江張於庶以彭澤令致仕歸賊迫就偽職
不從與妻鍾氏同罵賊死安縣明經趙鴻偉子進士昱賊
召入監不應全家懼害安縣監生李資生宣大總督鑑之

子也賊逼入監生歎曰吾為大臣子肯屈賊乎以死自挫
妻董氏年二十三願從夫死並自縊新繁諸生費經世者
與賊將有舊賊將欲薦而官之堅辭為賊所殺資陽諸生
劉宏芳為賊所得持扇行歌於道至西門從容投石橋潭
死大學士蘇州劉宇亮子喬成賊投之官使回籍後家
其妻王氏曰賊之官汝固可作賊之妻我斷不為自縊死
什邡明經李愛芳二女適宗室朱氏弟兄城陷二朱已先
期出賊大搜藩宗二朱知不免投水死李氏姊妹相謂曰
夫死安歸聯袂溺於江

賊略崇慶州知州王勵精死之○勵精陝西蒲城人賊破成都州入聞風先避其僕勸之去勵精不可具朝服北面拜復西向如禮從容於甬壁書文山孔曰成仁數語書罷登樓以利刃縛柱而露其鋒貯火藥於樓下危坐以俟及報賊騎渡江縱火藥發觸刃貫胸以死賊壯其節斂葬之至今所書雨洗風凌墨痕不滅

賊入新津貢生王源長及妻徐氏死之○源長邑人崇正間拔貢獻至揭一聯於室去存心正大光明夜可焚香告上帝立身忠孝庶節○將披赤苧明君為賊所執不屈死妻徐氏從之有袁氏者諸生藍燦妻藍死於賊氏聞自縊賊略漢州○州人江禹澤妻陶氏被執不辱同兒媳張氏携手罵賊引頸就刃時張氏婦聞賊逼近將衣服週身縫固投井死賊退數日出其屍顏色如生

賊略彭縣士民祝丕傳魯城隍等死之○丕傳邑諸生孫可望至彭丕傳負母進避樊家塢賊追及欲殺其母求以已代不許遂大罵母子罹害

劉昌祚亦邑諸生匿山中被執不屈死

魯城隍失其名城隍其紳號也賊執至成都夫嘗割其舌

漢血奮鬪賊怒寸劍死

有業醫徐履端者賊至脫衣履置觀音岸上赴水死
劉時兩妻黃氏携七歲子避賊於雷打廟賊至脅以兵不
從殺之

邑趙姓妻官氏感遠人賊屠縣氏先將數女縊死後自縊
入什邡邑人顧存志妻賈氏焚其室借媳縊死火中

賊陷蘇竹邑人楊回柱巷戰死典史卜大經自縊○國柱
貢生可賢子也先是崇正庚辰獻逆獲可賢挾之曰汝子
國柱守城名之降則免可賢佯諾臨城語其子曰賊不滿

千汝第堅守勿以我為念賊忿殺之攻城不克至是城陷
圍柱率士民數萬與賊巷戰力竭罵賊死大經借其僕縊
死厲中時邑諸生陶修吉同妻雁氏被縛至中途雁氏給
賊曰我願往何縛為賊寬之夫婦俱投煙死諸生顧天澤
妻留氏當賊攻城歎曰死之遲早到底不免此身豈可受
辱抱幼女投井死邑民文仕舉夫妻同執賊見其妻勾氏
美麗逼之氏大罵賊環碎其衣罵愈厲賊怒支解之其夫
垂間亡去諸生楊元吉妻蕭氏賊至語元吉曰祖宗不可
無後我勢難行君速避同死無益也元吉泣去賊執蕭氏

氏給之曰素苦貧今願相從賊信為實防少間躍入井死
邑民王宗道妻袁氏被執迫之行憤怒罵賊賊設之黃守
學亦邑民以孝聞賊圍城其母柳氏自縊守學收殮畢曰
吾當從母於地下亦縊死

賊略蘇州○時閩南道劉宇揚妻李氏侍郎劉宇烈妻張
氏大學士劉宇亮妻宋氏避西山白岬溝偽將劉文秀訪
得之三氏相謂曰吾姑昔日涪水遇盜懼辱投水死吾輩
終有死期今日受污異日何以見姑與夫於泉下遂同縊
賊攻仁壽知縣劉三策孝廉賈鍾斗諸生劉士愷等拒戰

死之○三策饒州舉人任仁壽令賊至搢死守城多方捍
禦每對紳士云事迫矣吾惟有不動心三字耳及城破死
之鍾斗崇正己邠孝廉同諸生劉士愷率鄉勇共謀守禦
賊大至力戰不勝俱死之

諸生龍明新復起兵拒賊被執罵賊死

又執貢生顧鼎銓鼎銓不屈賊抉其兩目以死

諸生陳素陳應新左灼俱殉難○賊欲污左灼妻閔氏氏
大罵不從賊殺之

垂氏女及笄未嫁聞賊入境懷利刃以俟勢迫自刎死

時井研有雷應奇者素負俠氣賊至曰奈何郡縣無一殺賊者糾義勇拒於高境關迨至秦圍力殺數賊死焉

賊入汝川原任教諭高仲選死之○仲選邑歲貢原任大足縣教諭城陷携其子女投江死

冬十月初三日賊陷邛州上南道胡恒知州徐孔徒死之

○胡恒竟陵人官川南駐節邛州賊分兵徇邛恒命幕客汪光翰出調兵井巖寧越守備揚起秦將兵來援未至而城陷恒與其子之驊戰死妻樊氏妾成氏馮氏之驊妾周氏僕京兒督來婢女二從死康家遇害惟之驊妻朱氏乃

幼子義生得脫世定後始歸徐孔徒江西人城陷被執賊知其才欲生降之不屈怒其不順孔徒曰不屈固不順降則為不忠吾不敢不忠也遂死之

時賊屯兵文筆山驛士女登城環守徹夜鳴鉦有假寐者立斬每日未曛即不許舉火時連夜不收百許繞巷升屋覘有燈光及偶語者收之左右數十家皆坐

賊陷蒲江知縣朱蘊羅死之○蘊羅湖廣江夏舉人蒲城陷率兵巷戰被執不屈賊殺之全家俱死

邛州舉人劉道貞起兵拒賊戰於雅州小關山大破之

道貞字墨仙邛州名士天啟辛酉舉人賊陷邛道貞走沉
黎激賜土漢與黎州指揮使曹勛合謀起兵賊至雅州道
貞及勛拒戰於小關山大破其衆斬首千級賊敗走自是
嚴道以南不被寇害

十六日流賊張獻忠踞藩府稱帝借號大西改元大順以
成都為西京○賊僭位置丞相六部以下等官命汪兆麟
為左丞相嚴錫命為右丞相南充江鼎鎮為禮部尚書彭
縣龔完敬為兵部尚書封養子大將四人為王孫可望平
東王劉文秀撫南王李定國安西王艾能奇定北王馬元

利劉進忠凌三品張能第化龍等為將軍易王府正殿為
承堂所至空城而遁復由水道下簡資嗣昌徵諸將合舉
皆退縮賊遂陷榮昌永川

十二月賊陷瀘州知州魏瓊死之○瓊江南進士城破正
衣冠向關拜泣坐堂上賊至不屈死時嗣昌在重慶下令
赦汝才罪降者授官有擒斬獻忠者賞萬金爵通侯次日
堂皇厨福徧題有斬關部頭來者賞銀三錢嗣昌惶視咄
叱疑左右皆賊勒三日進兵會雨雪道斷再戒期視師三
檄賀人詎不至初嗣昌憂左良王跋扈私許賀代左為平

賊將軍已而良玉有瑪瑙山之捷謂賀且需後命良玉聞之不說二將以是怨望元吉進曰軍心未一不可以戰盍令前軍躡賊後軍為繼中軍從間道出梓潼扼暗路以徐侯濟師此萬全策也嗣昌有驕色曰賊易與耳焉用分兵示弱耶至是獻忠破瀘州瀘州城三隅形銳而面江止立石站一路可北走元吉請以大軍自南搗其老巢伏兵傍塞五

賊遣張化龍等陷龍安○府庠生梁道濟同妻楊氏避亂山中賊執之使跪道濟曰我讀聖賢書豈為則屈膝耶欲犯楊氏氏罵曰我名家女士人妻爾連殺之隨夫地下足矣賊縛劇之夫妻至死罵不絕口賊遣劉進忠馬元利等略川北

是時賊設鑄局取藩府所蓄古鼎玩器及城內外寺院銅像鎔液為錢其文曰大順通寶令民間家懸順民號帖以大順新錢釘之帽頂

諸神像首百煉不化賊盡棄之後 本朝成都知府冀應熊拾而埋之北關外題其塚曰佛塚賊錢肉色光潤精緻不類常錢至今得者侷婦女簪花不

臧赤金

又行保甲法甚嚴諸門各設一兵部二都督議呵出入民之出城者先期報某甲姓名以某事往約某日歸合符而入有失期及踰時者斬又將各處石碣碑坊悉刻明朝年號有獻忠二字者盡去無遺又禁其下勿得觸諱郡邑人物有犯必死

賊又分其兵一百二十營虎威豹韜龍韜鷹揚為宿衛設都督總督領之立大營十小營十二於南門五里外中置一老營為自居之名為御營

或云獻坐玉殿影見白衣大人射之頭暈目眩微墜座下不敢坐常居營中今其地名御營壩

時孫可望取漢中為閩將賀珍所敗魯親往救過梓潼七曲山仰視神廟題額張姓曰此吾祖也追上尊號曰始祖高皇帝獻不知書其從官進諛比於李唐之追王混元白謂文昌之後裔宜帝已蜀誰耀百姓建太廟於山鑄像祀之落成賦詩其中令右相嚴錫命以下皆和御製稱進者斬詩刻石置八卦亭內

賊將劉進忠等破安岳原任兵備副使賈可進死之進士

王起裁起兵拒戰敗死○可進邑人崇正庚辰進士仁雲
南兵備副使告歸安岳臨被執罵賊不屈賊剝其皮磔之
起裁字如蘇可進同榜進士賊至倡義得萬餘人與賊戰
賊沒於陣

賊陷樂至烈婦荆娘不辱死○荆娘邑人楊文煥之妾也
買於荊州因以為名文煥卒守節城陷為賊所得大罵不
受辱賊殺之

賊陷潼川孝廉李永泰死之○永泰崇正丙子舉人魁岸
善飲聞賊據蜀避老安寺斷葷絕飲稍病卧床賊至嚴索

得之令偽官昇至成都張目不言引頸受刃

李錦中州原生賊遣偽官考試伴狂卧地追之遂閉戶自
經

州進士李為禹妻吳氏縊死孝廉黃鑾妻張氏歐如虹妻
黃氏貢圭楊先憲妻朱氏俱被執罵賊死時賊取朱氏首
去先憲刻木首附屍葬之

賊至遂寧原任教諭姚思孝死之諸生羅璋戰死○思孝
邑明經內江縣教諭賊執之守義不屈被殺時羅璋奉母
避山中賊圍之大戰殺數人母得脫璋遇害

賊遂至蓮溪邑人譚性妻陳氏被獲欲污之大罵不從殺之●至射洪城中人盡逃有一老儒遁止之人告以故老儒曰焉有此事待吾問之登堦牆見賊率蝟集疾聲向賊云清平世界爾等率衆圍城欲謀反乎獨不畏王法耶言未畢而飛矢集喉斃城上矣此殆與桐城二老人相似賊寇江南入相城人皆走避一老人自扶杖出見賊絮語生乎窮苦狀謂不能具主人禮賊笈曰若若如此何必更住世間殺之

又一老人赴其戚屬值戚家洵洵避賊老人罵曰汝曹俱出家中什物誰與看守不懼旁人偷竊汝等俱去我止於此未幾賊大至焚其室老人被殺

賊將劉進忠入保寧府據之○先是闖賊命賊將馬科黎玉田寇蜀擾亂川北獻兵至二人敗走陝西賀珍統前鋒王老虎裨將嚴基沈鄭復師來爭馬元利敗走城復失及珍回不守獻命進忠入據之

保寧有張桓侯飛廟千年矣初獻攻城夜出巡壘見一黑大人踞城上手持蛇矛足浸江中驚怖失聲如是者三夜獻詢知為侯神望空運祭而去一城獲全保寧數被兵而

城中不至漸盡者侯之庇也

通江童子以抗賊死○童子通江人賊犯境邑令李存性守禦甚嚴賊不能近倂為官兵將據城道遇童子給之曰勿言我兵也童子佯應之且走將及城門大呼曰賊至矣賊殺之邑令為具葬於城西祭之以文

時邑人王廷輔妻閔氏聞賊入逆深林中被賊搜執觸櫛未死罵賊賊怒殺之羣鳥環屍哀鳴不散

賊至東鄉貢生冉璘及其子宗孔死之舉家自焚○冉璘東鄉恩貢賊至孀家避天台寨賊追及同子宗孔被執不

屈死其母楊氏妻向氏偕一家老稚登樓自焚

劍州梓潼等處俱陷於賊○賊遣兵徇梓潼諸生蒲先春妻趙氏投江死魏元良妻趙氏投繯死

入劍州諸生李一鴻妻被執賊逼之大罵割其腹而死貢生張公選女逃至石子嶺賊追及登石上罵賊賊擡其齒落盡仍罵不絕以刃穿胸死

入昭化生員賈允昌母李氏任如永母吳氏俱為賊擄並罵賊死

入廣元諸生李猶龍抗節不降為賊所殺

賊將馬元利下順慶守之

原任禮部郎中李舍乙起兵復慶安州不克死之○舍乙渠縣人由進士任禮部郎中丁憂里居賊取舍乙軍士得數千人圍廣安城義復適馬元利來爭力戰被執死焉
邑人王樹極從舍乙為裨將舍乙敗為賊所獲樹極已潰圍出遙見之反戈殺數人被執亦不屈死

賊臨西充南充營山諸邑原任御史李完諸生吳明善陳懷西等死之○李完西充進一官御史致仕歸賊入西充死難吳明善南充學生開京城破大憐時撫軍羅文光駐

新順慶明善喪服諸軍門曰禹湖新逝臣子不共戴天公聞變三日矣而無所施為耶文光深謝之至是破家禦賊死陳懷西南充武生賊誘之官懷西曰寧作明朝武生豈為逆賊元老賊斬之懸首東門其子哀痛而死時西充學生馬孫鷺見賊殺懷西大罵割舌死

營山諸生王光先當賊犯城率義勇戰於北關被執脅之降不從遇害

大竹武生王薊聞賊入川語諸父曰食國家水土力不能報畢命可耳父然之至賊至其父拔刀相迎殺數賊方竭

死遂擒獲痛聞不絕口死之

賊破儀隴有王爾讀者邑人王臯家僕也賊追縣令李時開村及之爾讀奮身禦賊令奔晚爾讀被殺

其時婦女死者尚充黃氏氏太史黃輝孫女夫早卒教子成名聞賊至泣語子曰爾幸遊泮我終身苦節值茲寇亂敢求活耶我死汝弗事賊即報汝父母矣遂縊西充杜氏避賊於張村溝被獲署賊不從斷臂以死孝廉陳辰女年十六未字值賊至隨父母走避射洪為射所得彈之行罵賊賊怒殺之貢生張尚選女年二十賊據西充與父母同

執賊給以好語女大怒罵賊死儀隴楊氏岳池劉氏俱為賊所獲不從死之巴州廩生楊日昇妻李氏被虜奮身投江死

賊陷眉州

賊陷烏江置偽官守之○邑貢生黎應大潛於家結鄉隣之倡義者以圖恢復事露賊支解之子照斗膽遠照驚同日遇害父子至死罵不絕口三日後猶凜凜有生氣

賊陷嘉定改為府以偽官任元祐守之○賊入州執庠生郭大年殺之大年妻楊氏曰願同夫死迺出幼子付姑從

麗正門城上躍入江中

入拔為舉人周正陳天祐抗節死○偽守任元祐促周正之官正不從罵賊被殺其子成儒與少弟議以家屬托其叔曰臣死君子死父其分也遁共奔賊營抱父屍大罵賊並殺之陳天祐夫妻同執並拒賊死賊拘其二女置輿中昇經學前二女抗聲曰我陳氏女也往與父母同死一處斷不玷我鄉里到營門見父母屍湧身撞石指賊大罵俱遇害

初賊索諸生省試邑人彭大同承廷檄並被難大司女任

氏設酒殺要鄉隣親戚永訣自縊廷機妻梅氏投水死時稱雙節云

賊分掠榮縣知縣秦氏湯死之○民湯漢陽人賊至被執不屈叢射而死

賊陷叙州原任湖廣布政司尹伸死之○尹伸字子求宜賓人萬歷戊戌進士歷官陝西提學湖廣布政司以節義文章自負尤工書法避亂山中為賊搜獲大罵賊賊重其名欲生致之昇至井研罵日益厲賊不堪殺之妻邵氏妾夏氏長子尹恩婦楊氏並盡節

同邑舉人周元孝亦以不受偽職死

時諸生熊兆柱倡義討賊李師武附之兆柱被獲大罵曰
天運至此任爾戕戮則剝皮鞭鼓懸之城門令出入者擊
之師武被磔

諸生魚嘉鵬率眾殺偽官為賊所縛拷訊其黨厲聲曰自
我為之恨不擒斬獻逆耳他人何與賊副死

諸生劉苞晏正寅王應世俱不屈死郭大敷閤門罵賊死
李合宗梁為憲械至成都而罵獻忠死

時邑人總督樊一鶴方奉永明王命入川討賊夫人李氏

方伯文績之女也家居為賊搜執繫諸郡獄以辱之夫人
大呼曰我夫奉行天討誓必殄滅賊類繫我何懼原罵賊
賊殺之裂其屍棄之於途 樊一若妻夏氏年二十被執
奪刀自殺賊怒懸其髮於梁支詳焉

兵部侍郎劉之綸妻楊氏孀居賊至逼之夫人曰我命婦
也豈為賊屈賊剔其兩乳而死

諸生余智與妻楊氏俱執同罵賊死

周燭有渡子者業操舟賊至命之渡不應問船所在亦不
應賊脅以及忿怒拳擊賊賊殺之

叙州諸屬邑俱陷

筠連人蘇亮工妻毋氏為賊挾之行至鳴鳳岡墜崖死
高縣人陳徵女三姑避落角洞中洞破投水死

珙縣舉人向科原任江陵縣里居賊入索之問家殉難

慶符人張祖周聞賊至語友人曰百年有畫何貪生為將
縲自死

隆昌諸生劉茲為賊所殺執其妻盧氏強之行氏給曰必
見夫屍迺行及茲死所抱屍痛哭大罵賊死之

廣生范瑛妻胡氏抱幼女逃被掠母子俱死

賊入納谿邑有二王氏一為生員閔翼聖妻避兵蘆鄉賊

劫之投獄死一為生員易行禹妻被獲不受汚投燬死

賊入瀘州紳士韓洪鼎方旭等死之○洪鼎州人以孝廉

任澤州牧歸里賊至同原任推官韓大賓俱不屈死方旭

及方伯元曾薦詐鍾子英皆諸生也賊掠生員至營中有

泣訴求脫者旭叱之曰我輩愛國家養士恩三百年矣恨

不能噬賊肉以報國尚欲視顏求活乎大丈夫死即死耳乞

憐何益賊怒支解之伯元亦罵賊被殺薦詐投水死子英

聞賊至歎曰吾讀聖賢書何忍立此世乎與其妻携手沉

於江

瀘州衙指揮使王萬春起兵拒賊敗死○萬春見賊入所至多降忿怒率屯兵拒賊轉戰數日兵敗就擒不屈並其家死之

七寶寺僧晞容糾眾破賊於豹子洞○賊攻豹子洞晞容奮臂曰洞中數百生靈豈可坐視其死糾鄉勇五百人拒戰身先衝殺賊大敗洞圍解於是簡練精悍與之相持先後殺賊千計一日賊突至遂為所害

先是瀘有湯名揚者天啟間蘭寇起集義勇百餘隨大司馬朱燮元征討以功授松潘守將時有邊警名揚自龍安轉戰三百里間築砦堡十數拒寇累績至副將流賊入蜀撫鎮檄名揚為前鋒遇偽帥虎頭卜殺戰敗之賊悉眾圍於二郎關援兵不至卒飢戰且死名揚身被數十鎗猶舉刀殺賊賊爭磔之事聞賜廢祠祀焉





University of Washington Libraries, U.S.A

蜀碧卷三

起乙酉
止丁亥

順治二年○時賊竊掠全蜀

丹溪生彭遵泗磬泉編述

春正月舉人劉道貞以兵復邛不克賊滅其家○初道貞
攻賊於小關山賊還據邛至是道貞謀恢復命子聯度以
兵來爭賊搜獲道貞妻王氏環刀械頸令招其子王氏大
罵不從賊分其屍投之城外舉家百口俱死聯度亦以戰
歿

時賊脅蘇州諸生葉大賓牧邛大賓佯受之密通紳士軍

*DS
753
P46
1745
V.3

University of Washington Libraries, U.S.A.

民相時舉事始以計給賊將曰蒲江要害閉有警須調兵
往賊信之分其衆千餘去翌日又曰大邑肆印係將軍責
恐有變亦宜調兵往又分其衆千餘去賊衆既分大賓矯
令殺賊帥潰其卒三千保茂州民萬餘奪西門而去

三月故明諸臣起兵攻叙州取之○初閣部巴縣王應熊
奉永明王命總督川湖雲貴軍務而辦川寇時諸郡惟遵
義為王祥所守未破應熊入居之縞素誓師開幕府傳檄
討賊而總督宜賓樊一蘊遽至命諸郡舊將會師大舉起
甘良臣為總統副以侯天錫屠龍合參將楊展遊擊馬應

試余朝宗所携潰卒得三萬人是年三月攻叙州斬賊數
千級走偽都督張化龍復其城馮雙禮來爭又敗之孫可
望來援相持一月一蘊糧盡退屯古蔺州展退屯江津賊
西截朱化龍於羊子嶺化龍率番兵衝擊之賊驚潰遁去
是時副將曾英叅政劉鱗長及都將于大海李占春張天
相等方破賊於重慶傷兵十餘萬來奉一蘊節制

李研齋長祥記云獻忠陷成都蜀殘甲並草澤間諸忠勇
合兵中江射洪間約十餘萬阻山壁水整飭甲冑獻忠忌
之時閣部王應熊駐師遵義去中江射洪千餘里呼應不

及王又慎情名器蜀之來言情與請剗付者多不遂意軍中舊官稱官他惟稱義士無以臨衆忽傳山中有王內江王也使人視之容貌顧盼英雄異常軍中大喜思得王監國不受閭部節制共往迎王王至歡呼相賀因請視事王不得已任之遂於軍中設官職定尊卑安養百姓訓勵士馬十餘萬衆無不帖然者軍中亦為王建行宮選后妃備宮女募內侍又拔戰十充御營亡何賊至出師與戰大敗數戰數敗軍中搖動王迺自將兵出戰大捷賊益兵來王又出戰又大捷生擒數百人降千餘人王皆編入御營中

一日獻忠自以大隊至對壘未合戰衝營兵雲各營驚亂獻自外攻擊御營從內殺出十餘萬兵斬艾奔竄盡矣內江王蓋賊也獻使之來偽為王以破壞我師者

雅州知州王國臣以州降賊○國臣西安人初通閩將馬燻繼又踴獻忠先與下南道胡寅不睦將執以與賊寅逃入土司高克禮家而土司楊姓者與高世仇互相攻殺楊之裔又欲因亂弑兄之明降賊遂執胡寅並家口數十人送獻忠殺之

天全六番指討使楊之明成都進士朱倬尹川北舉人鄭

延爵起兵拒賊敗績俱死之○之明等合謀起兵與賊戰於雅州飛仙關兵刃俱擒為賊剛於會城南門外延爵逃至慈崗山收兵再戰沒於陣

黎州宣慰司馬京及弟亭起兵討賊○初賊以蜀人易制惟黎雅間土司難於驟服用降人為招誘鑄金印齎之易其章馬京者漢將馬岱後也年十六得印歸之地指眾不服時偽遊擊苗姓率眾赴黎雅任京審令通把調集番眾與亭攻之擒偽弁七十餘人於演武廳申明大義斬首祭旗起兵討賊

馬京馬亭及土千戶李華宇指揮丁應選富庄七姓與賊戰於龍觀川大破之斬其偽帥方總兵○京兄弟起兵令白通使及白寰翠招致富庄七姓子弟頭人姜黃秦李蔡包張等土千戶李華宇者年八十矣亦率眾至京即以七姓界之而海棠堡指揮使丁應選寧越守備楊起泰以觀察胡恒之檄引兵入援聞恒死還與京兄弟合得兵萬餘至雅州觀川對岸與賊大戰殺數千人陣擒偽帥方總兵斬之賊敗歸京遂恢復黎雅

賊大設偽從官○初孫可望自漢中還時偽官連名狀逆

之於郊可望不敢隱陳之獻怒其沿故朝陋習按名棒殺
二百人忽一日殺從官三百或言其太甚獻曰文官怕沒
人做耶因朝會拜伏呼奠數十下殿焚喚者引出斬之召
曰天殺又創為生割人法若皮未去而先絕者刑者抵死
偽兵書囊完敬以道不治用前法到別實以縵衣冠以狗
糞市一祭酒某以生辰受諸生禮僅值十錢其誅法一如
完敬名諸生集而觀之偽禮書江鼎鎮以郊天祝版不敬
杖之百閤門自經死右相嚴錫命家在縣州獄過其地見
宅第壯麗即命斬之

賊大殺紳士○賊各州邑安置偽官查檢鄉紳學校詭云
選舉用軍令嚴催止道不至者孥戮並坐比隣既集令之
由東門入西門出盡斬之

賊集諸生出新製黃旗縱橫各一文令書滿幅大帥字畫
欲如斗又一筆揮成能者免死夾江生員王志道縛紳為
筆以大釘釘墨濡濡三日提出直書不爽毫髮獻熟視曰
爾有才如此他日圖我者必爾也立用祭旗志道一字念
奉夾江學生工書死時年二十七余外曾祖也

賊詭稱武士於貢院前左右設長繩離地四尺按民序立

凡身過繩者悉驅至西門外青羊宮殺之前後近萬人筆
硯委積如山惟二十年幼不及繩留作書記一忘其名一
嘉定歐養直也

後賊奔川北挾之以行鳳凰山之賊脫身歸流寓丹稜與
余叔祖連姻所作紀亂一書載獻事頗詳今無存矣

又詭試武生時禁民間畜馬武生之至者命集教場出鹿
馬最瘠劣者千餘驅之使騎甫乘合營大噪發巨炮振金
鼓馬奔人墮踐踏成泥賊撫掌大笑

一云賊稱帝成都以出兵數敗攘袂瞑目思咀嚼蜀人會

朝天閣獲諸生顏天漢等通書自成大怒因殺士於青羊
宮

或云獻兄時隨父販棗至內江以驢繫紳坊糞溺汚石柱
帥僕罵之鞭獻父喝令以手掬付他所時獻在旁怒目不
敢爭臨去誓云我復來時盡殺爾等方洩我恨

或云獻忠敗於鄖陽窟伏深山飢窮聞某寺僧饒錢穀劫
之時有諸生數十在寺肄業皆避去而寺僧擅拳勇者百
餘人相與謀曰我等出敵彼敗終不忘情不如嫁禍他人
也遂著諸生巾禦賊賊大敗死者頗眾以是積怨士子遷

蜀
卷三
九
賊於蜀

蜀民共起殺偽守牧令判等官○賊所破郡邑置守牧令判等官緝捕百姓時四方兵大起民之荼毒未盡者斬木揭竿糾集殺賊一時偽官或刺於庭或生畀之火或投之水幾於殆盡

秋七月賊屠成龍二屬州邑○初賊自為聖諭六言云天以萬物與人無一物與天鬼神明明自思自量命古相嚴錫命作註解發明之刻諸石至是與偽相汪兆麟謀遣馬元利張能奇等分剿成龍所屬州邑並長吏誅之兵到

處有烟火者將吏必斬其偏裨不忍行刑多自經於道路有一縣人先期聞之向酒家索醉聽死酒家一日累千金初大喜繼又大慟皆叉手委股以就剗剗無一人得或免者

偽撫南劉文秀屠邛州○文秀復至邛取遺民萬餘家悉屠之又殺僧道千人於是行盡剿法立搜山望烟等頭目踣跡高山大谷有匿崖洞者舉火薰之邛蒲二百里盡為血肉之場矣

劉文秀入丹稜屠之○賊陷丹稜踞其署驅城中民於西

門外濟橋殺之屍與橋平水為之 又遣兵搜鄉以長繩
聯絡男婦多數十為一羣賊前後各一人跨刀執杖擁至
江步廟殘焉遂剗北門山為教場操兵三月而去

先大父五吾公諱萬崑時謀拒賊偽持牛酒偵賊營門軍
止焉縛見酋以計免且給賊旗持歸聚壯勇守險阨賊入
鄉者輒殺之一日有打糧賊三百人突至設伏擒獲誅之
於三溪口賊不敢近一鄉獲全

賊入洪雅○邑人祝之茂妻楊氏之至妻妾二陳氏之恒
妻宿氏之邵妻王氏少女祝氏皆庠生祝錢之媳與女也

避亂山中為賊所劫六氏拜別父母俱投水死

邑人余飛率眾破賊於花溪○花溪去縣四十里背枕飛
仙閣前面青衣水極為險要賊至飛警眾拒之預伏壯勇
數百人於山谷而以羸弱者誘賊賊遂入隘中伏發急不
得出飛奮勇截殺斬獲二千人賊大沮喪沿江遁

賊攻南安鎮千總周禹昌大破之奔達成都○賊由青衣
江下夾江攻南安鎮邑人周禹昌以千總奉閩部王應熊
檄來保鄉里陞木為城率眾拒守賊攻不下因作浮橋為
長圍計禹昌令善泅者潛泳水中而腰鑿以斷橋絡賊將

平沉水中餘賊友奔南岸禹昌威攻之賊大敗北其所
掠喪亡幾盡奔遂成都不復至

賊除成都居民○初賊陷成都大殺三日以孫可望諷少
止因列兵為甬道簡閱其民壯男少婦選入營中民間父
子夫婦皆失散無復聚者已而遣兵四出脅令歸誠所在
郡邑建官分理征輸苛暴殘殺日滋民心憤畏合謀拒賊
遂殺偽官獻遂詐言於眾曰有天書夜墜庭中命我劉絕
蜀人違者罪不細因聯百姓十人為一縛驅至中圍盡殺
之○中圍先主昔日練兵處也

冬十有二月賊殺醫僧匠役○太醫院有舊製銅人賊以
楮幕其間竅名諸醫至考驗鍼砭內有一穴差者立死一
時業醫者皆盡

太慈寺僧近千人初因葺一宗至闍寺俱斬至是並拘會
城内外寺院僧道戮之

初蜀織工甲天下特設織錦坊供御用而蜀始封獻王好
學招致天下名詞畫備集成成都故蜀多巧匠至此盡於賊
手無一存者 或曰孫可望獨留錦工十三家後隨奔雲
南今通海縵其遺製也

丙順治三年○是歲十有二月獻忠伏誅

秦正月初五日賊將狄三品等屠眉州○先是乙酉十月賊遣偽帥狄三品等駐眉是年正月初五日忽下令驅城中人集道姑巷原田塲上至則以兵圍之數重凡五千餘人悉殺之

薛賊入川南先期傳令云除城蓋剿民不悟以為入城可免也扶老孥幼求避城中故賊至得聚而殺之而城中居人咸知其故預有鬼脫者

眉民陳登輝倡義破賊於醴泉河又破之於東館賊遁○

登輝眉州里民混字鐵脚板憤賊殘酷裂衣為旗招集四鄉遺民得數千樹柵醴泉河上賊攻之登輝率眾白梃鋤獲一戰殺賊三百賊懼從間道潛移東館登輝復遣壯士持酒水雞豚迎於道賊納之營中夜半襲賊營壯士從中鼓噪殺出賊大駭競奔復斬首數百級賊遠遁登輝自是以鐵勝名營倡義者悉歸之二年中無一騎敢犯境者後為嘉定向成功所殺成功亦當時起兵拒賊人也

三月秦將楊展恢復川南○初賊取嘉定置偽官守之展起師潛身入捷為擒殺偽令州人聞爭開門迎展偽太守

進去展遂取嘉定獻遣劉文秀狄三品來攻為展所敗退
回成都展遂合遊擊馬應試盡復嘉眉邛雅諸州邑于時
故總兵賈聯登及中軍楊維棟取資簡侯天錫高明仍取
澶州李占春于大海守涪陵其他據城邑奉調者洪雅則
曹勛及監軍范文光松茂則監軍俞事詹天顏變萬則譚
弘譚誼樊一衡移駐納谿居中調度與督師應燾會澶州
檄諸路刻期並進獻始畏懼

賊殺所獲婦女小兒○賊以婦女累人心悉令殺之有孕
者剖腹以驗男女又取小兒姦數百為一羣圍以火城貫
以矛戟視其奔走呼號以為樂

賊分道搜殺四路遺民○賊以遺民逐殺偽官而四方兵
漸益日迫忿然曰川人尚未盡耶自我得之自我滅之不
留毫末貽他人也于是令偽帥孫可望等四將軍分道出
屬窮鄉僻壤深崖峻谷無不搜及得男手足二百雙者授
把總女倍之官以次進階可望等或日殺四五縣不等童
稚手足不計止計壯男女手足寅出酉還比賞格有踰十
倍者獎以為能有一卒日殺數百人立擢至都督嗣後賊
營公侯伯甚多皆屠川民積功所致也正月出五月回上

功疏可望一路殺男女若干萬文秀一路殺男女若干萬
定國一路殺男女若干萬能奇一路殺男女若干萬獻忠
自領者名為御營老府其數自計之人不得而知也又有
振武南廩七星治平虎賁虎威中廩八卦三奇隆興釜戈
天討神策三才太平志正龍韜虎略決勝宣威果勇等營
分屏川南川北而王尚禮在成都復收近城未盡之民填
之江中蜀民於此真無可遺矣

賊檢校衛軍及各營新兵○獻賊復檢各衛軍及各營新
兵年十五歲以上者殺之各路會計所殺衛軍七十五萬
有奇兵二十三萬六千有奇家口三十有三萬成都北威
鳳山起至南門桐子園綿亘七十里餘屍積若喬嶽然
賊攻川南諸州縣俱大敗而回洩怒士卒以婦女財物累
衆軍心不肯致死移營之日有金銀必煮有婦女必殺其
留屯久者或已成夫妻有子女軍行發令輒大暢駁中園
一浮圖穴其下置礮崩之兵之壓而死者萬人又伐木造
船數千由山路曳入水或數十里或百里稍急而休者立
死若闔營犯法裝大艦沉之江中于是左右親信各生畏
心矣南門營中大營兵懼誅開門散走差豹鬪等四營追

及於大儀三千餘人盡坑之

獻忠欲北行入陝惡其黨太多曰吾初起草澤從者五百人所至無敵今日益多前年出漠中為賀珍所敗非為將者習富貴不用命即為兵者有所貪戀懷二心吾欲止留發遣請舊人即家口多者亦汰之則人人自輕便所向無前汪兆麟怨史之曰恐兵知而先謀奈何不若先立法責之各將軍都督等多置運者以伺察營伍有偶語者及微過俱置之法并連坐如此則殺之有名無覺者矣密議已定諸營尚未知猶習故態角射酌酒縱博嬉笑怒罵如平時運者至輒收治自誣服並及其家是日所殺即十餘萬人于是人人惴惴無敢出一言者運者無所得存於夜靜踰垣穴竄入伏雷下及床第幃幕間竊聽但有笑語即躍出收繫并其家府之

賊大鼓僞都督總兵等官○偽總兵溫自讓延川人不忍無辜戮其下棄妻子夜率所部百餘遁去獻自引驍騎追之自讓走脫所部兵俱自殺他如僞右軍都督米脂張君用八卦營汝州王明振武營麻城洪正隆隆興營涇陽郭亂三奇營鳳陽宋官永安營合肥郭尚義三才營山東晏

文千城營六安汪萬象授剿營寶雞彭心見決勝營岡尚
賢定遠營張成中辰營萬縣杜興文英勇營黃尚張其在
天威營閔封王見明龍鷄營麻城商元及志義天討金戈
神策虎威虎貞豹韜虎略等營總兵失其名俱以搜括無
功坐狗庇誅殺或剝皮死并其家口部落盡斬於河

賊嗜殺出天性偶夜靜無事忽云此時無可殺者遂令殺
其妻及愛妾數十人惟一子亦殺之令畜殺無敢爭者是
與名諸妻妾左右以告則又怒其不言舉左右奴隸數百
人悉殺之嘗怒目視一童子醉易病二日死其殘虐如此

又禁不得私藏金銀有至一兩者家坐誅十兩者生剝其
皮人或沉井中或窖幽室被獲亦按連坐法告捕者即以
其家妻妾馬匹給之于是豪奴悍婢爭訟其主焉

賊天性特與人殊恒辭柔而醜暴一日不流血滿前其心
不樂營祇苦朝會擲所御冠舉足踞其中索侍者帽著之
迺快

殺人之令有以語犯死者有以事犯死者有令健卒羅織
而接戶以死者有言事小兒夜行街巷聽人陰談白叟識
其門而救之以死者一小兒聞人俚語曰張家長李家短

具陳之獻獻笑曰此我家勝自成之兆也運命孫馬

殺人之名割手足謂之斃奴分夾脊謂之邊地鎗其背於空中謂之雪鯁以火城圍炙小兒謂之貫戲抽善走之筋斷婦人之足碎人肝以飼馬張人皮以懸市

又剥皮者從頭至尻一縷裂之張於前如鳥展翅率踰日始絕有即斃者行刑之人坐死

賊盡墮州邑城○遣偽將分墮之

按牒牛犬○時令取犬牛盡磔之母為後人道種

秦將楊展大破賊於江口焚其舟賊奔遠○默閣展兵勢

甚威大懼率兵十數萬裝金寶數千艘順流東下與展決戰且欲乘勢走荊變姓各作巨商也展開逆於彭山之江口縱火大戰燒沉其舟賊奔北士卒輻重喪亡幾盡復走還成都展取所遺金寶以益軍備自是富強甲諸將而至今居民時於江底獲大鞘其金銀鐫有各州邑名號

王祥曾英以兵趨成都○王祥禁江人勇悍者聞為九圍子隘官守導義賊不敢窺至是與曾英進兵討賊賊益畏蜀將遂決意行矣

賊毀藩府走川北○獻自江口敗還勢不振又聞王祥曾

英近資簡決走川北將所餘蜀府金銀簿并及瑤寶等物
用法移錦江細其流穿穴故似寶之因盡毀鑿工下土石
淹蓋然後決堤放流使後來者不得發名曰銷金又盡毀
官殿墮砌堦并焚市肆而逃

時府殿下有盤龍石柱二亦名擎天柱賊行取鈔羅等物
雜裝數十層以油浸之三日後舉火烈燭冲天竟一晝夜
而柱枯折

楊展追賊於漢州不及封遺骨而還○展聞賊遺急引兵
追之至漢州賊已去遠因盡收梟莽骸骨糞勢為識其碣

曰余奉命討賊提師過此憐爾白骨之慘所加黃埃之封
冬十有二月

王師西征追賊於鳳凰山擊之獻忠伏誅○賊保寧守將劉進

忠部下多蜀人獻至惡之謀坑其眾漏言於聞者進忠大
恐獻忠又下偽詔用秦人鄙語罵進忠進忠忿怒時我

朝肅王方奉 命西征至漢中進忠赴師迎降

王問獻所在曰在南充西充交界金山鋪去此千餘里馳五
晝夜可及 王命導師疾行至西充之鳳凰山會大霧

王潛勒軍登山賊謀者知之以告獻素驕又以進忠守朝

天關不虞 大兵之至也 斬謀者以徇曰此羣徂求食耳
清兵豈能越朝天闕耶少頃又告又斬之三載亦斬 王
詢得之揮鐵騎促賊營時方辰食獻衣飛蟬半臂含飯率
牙將數十人倉皇出視進忠指善射者章京雅布蘭射之
一矢中其喉拔矢視之曰果然清兵也逃伏積薪下我兵
尋得曳出縛之 王迺拔佩刀仰而祝天曰賊忠罪惡滔
天毒流萬姓子受

天子命奉行天誅謀敢為百姓復仇祝甚親加刃於獻謀殺之尸

之棘門士女往斫之骨肉糜爛殆盡獻臨誅猶怒目視其
部下之降者曰養子兵潰東走 一說獻忠被射時拔箭
在手向陣大言曰咱生在燕子嶺死在鳳凰山伏殺而斃
獻在成都忽謂今入厄運三年中莫可支吾獨有遜世埋
名入深山苦修數載可免耳過此乃橫行天下欲入武當
為道士不果伏誅時年四十二

初成節東門外沿江十里有鑽江橋橋畔有迴瀾塔萬歷
中布政司使余一龍所建獻登其上見內城宮殿語從官
云橋是弓塔是箭彎弓正射承天殿運命毀之就其地修
築將墓穿穴取磚至四丈餘得一古碑上有篆文云修塔

余一龍拆塔張獻忠歲逢甲乙丙此地血流紅妖運終川
北毒氣播川東吹蕭不用竹一箭貫當胃炎興元年諸葛
孔明記至肅王督師攻獻於西充射殺之迺知吹蕭不
用竹蓋肅字也

獻初破武昌有大志不甚戮殺政府曰天授江夏縣為上
江縣錢西王之寶嘗題詩黃鶴樓令其下和之以周文江
為兵部尚書張其尊為前軍都督李時榮為巡撫謝鳳洲
為守道蕭彥為巡道陸六馭為學道給偽勅印各予賞賜
有差關科取七十八人補二十一州縣詐收人心未若入

蜀之酷烈也

甲申十一月初十賊忽驅人至成都東門外洪順橋殺之
舉刃時迅雷奮擊者三獻怒指天曰爾放我下界殺人今
迺以雷雷我耶用三炮還擊之是日死骸激水橋為之折
或曰即今九眼橋獻所復修者

獻敗時有伊某潛身削髮隱於灌縣之三十六峰號苑和
尚世定後時時出遊余伯楚錫公初遇之問賊曩事云獻
忠初起原圖脫禍無意殺人至湖廣率同輩五六夜盜武
當山大廟金頂甫上見王靈官持鞭喝云快云若非上帝

放汝放生定打殺汝因此有負為奉夫殺人云爾厥倅面
上有火藥燒痕故號疤和尚問其名終不答康熙四十年
其人尚在

或云殺諸生時每人給一元寶令頂於首束入西出斬一
生取一寶曰笑曰欲賣頭乎殺爾還是我的

賊每屠一方備記所殺人數貯竹園中人頭幾大堆人手
掌幾大堆人耳鼻幾大堆所過處皆有記

賊遇病弱者多割鼻斫手斫手之令男左女右若誤伸者
兩手俱斫至小兒幼女棄道旁襦馬足或擲之空中以及

迎之

賊酷好朋友遇相知徹夜歡飲不憚及去厚贈之而預遣
人伏中途斬其首歸納櫃中載之以隨軍中獨飲不樂令
人啟櫃曰請好友來取頭遍列席間持盃酌勸款洽若對
生人者名為聚首歡宴

賊斬婦女小足疊疊成峰與愛妾酣飲其下忽仰視云更
得一足合尖方好妾舉足戲曰此何如獻云使得立命斫
之

一云賊偶沾癩疾對天曰疾愈當貢朝天號燭二盤眾不

解也比疾起令斫婦女小足堆積兩峰將焚之必欲以最
窄者置於上遍斬無當意者忽見己之妾足最窄遂斫之
灌以油燃之共臭達天獻以為樂

賊殺人時有義眉張姓者為賊殺於南關外頭裂而喉未
殊伏積屍中夜定後見有呵道來者威儀赫奕儼如王公
既至令吏持冊按名點屍每一呼死者提頭起立點畢去
張訝其無名起詢從者云府都城隍也張隨蘇沿堰渠伏
行數十里天明逸去至康熙六十年尚存頸上刀痕宛然
人呼為張斫頸子孫甚眾亦有登庠者每向人言獻忠時

事

或云賊欲屠保寧府屬禪僧破山為民請命賊令持犬豕
肉以進曰和尚噉此者從汝破山曰老僧為百萬生靈忍
惜如來一戒乎遂嘗數齋賊因免之

賊所過處公廨民居園林亭館寺觀樓閣悉為瓦礫所存
者惟文昌關帝二祠蓋關帝秦人所尊而文昌則彼推尊
為太祖高皇帝者也故重修七前山大廟又建關帝祠於
東皆極鉅麗

或云獻過梓潼夢文昌帝君儼之欲致祭令士人為文獻

不解輒殺之蜀士被禍甚衆後屢易皆不屬意獻大聲曰
咱自做咱念爾輩書之其文曰咱老子姓張爾也姓張為
甚嚇咱老子咱與爾聯了宗罷尚享至今川人常以為笑
又云獻初過梓潼夜夢人以宗弟紅東來謁誠以勿殺邑
民晨起詢人曰此文昌帝君也神姓張獻云咱一家兄弟
人何忍殺之梓潼得全

羅江縣南落鳳坡有漢龍鳳二公祠祀武侯龐士元獻將
孫可望燬之夜焚士元為厲懼而新之壯麗倍往日

初張獻忠破荊州召忠府樂戶十數行酒內有瓊枝者色
藝出羣獻命之次曰我雖賤豈肯以歌侑酒賊禍殺然弗
從以乃挾之曰汝技止此耳我不畏死奈我何哉獻忠驚
之喂犬

同時有曼仙者獻忠亦召至極逞技能刻意逢迎獻忠大
悅寵倖無比獻忠每夜將寢必豪飲曼仙侍置毒於酒滿
斟酒以奉獻忠蛇之以手挽其頸曰汝先飲此却之不得
立飲而斃獻忠始覺碎裂其屍

夾江有偽令王某者進新荔枝於賊割其中漬之以鹽獻
大怒令近侍王珂就縣署斬之既遣左右曰彼鄉人也不

識好惡罪不至死獻蓮云你說的是即傳旨去其首為奉
天承運皇帝詔曰王珂你回來饒了夾江那個邇知縣然
偽詔資陽有人藏之今存

獻忠有號曰敬軒在房巖受招時自取也見於破鄆陽日
方岳宗之呼

有云百姓剖獻屍見其心黑如墨或傳其心偏而無肝
獻埋屍處叢艸如棘誤觸之輒成大瘡又常有黑虎守墳
嗜人人皆遠之

叙州有人避賊逃入深山艸衣木食既久與麋鹿無異後
見官兵以為賊復至也驚走上山行步如飛迫者莫及其
身皆有毛云

下蒲丹稜間嘗賊過時有數人逃入深箐中夜出見一黑
大人跨山而下至死人叢拾其頭兩手抉裂吸髓而去明
起視之無遺腦矣蓋夜叉之屬也

寄園寄所寄云獻忠開科取士會試進士得一百二十人
狀元張大受華陽縣人年未三十身長七尺頗善弓馬羣
臣諂獻忠咸進表疏稱賀謂皇上龍飛首科得天下奇才
為萬元此實天降大賢助陛下不日四海一統即此可卜

也獻忠大悅名大受其人果儀表豐偉氣象軒昂兼之年
齒少壯服飾華美獻忠一見大悅左右見獻忠欣悅又從
旁交口稱譽以為奇士古今所未有獻喜不勝賞賜金幣
刀馬至十餘種次日大受入朝謝恩面見獻忠左右文武
復從旁譽其聰明學問及詩文畫一切技藝獻忠愈喜名
入官賜宴諸臣陪晏惟樂竟日臨散以席間金銀器皿盡
與之次早大受復入朝謝恩叩首退請臣復稱賀曰陛下
龍飛之始天賜賢人輔佐聖明此國運昌明萬年丕休之
象陛下當圖其像傳播遠方使知我國得人如此奇異則

敵可不戰而服矣獻忠大悅遂名畫工圖其形像又大宴
羣臣飲歡羣臣席間又極口稱譽獻忠復賞賜美女十人
甲第一區家丁二十人次日獻忠坐朝文武兩班方集鴻
臚寺上奏新狀元午門外謝聖恩畢將入朝面謝聖恩獻
忠忽頓感曰這驛養的啗老子愛得他緊但一見他心上
就愛得過不的啗老子有些怕看見他你們快些與我收
拾了不可叫他再來見啗老子凡流氓以殺人為打發如
盡殺其眾則謂之收拾也諸臣承命即刻便將大受綁去
殺之並傳令將大受全家及所賜美女家丁盡數斬戮不

留一人

蜀中古跡盡燬於賊惟李衛公籌邊樓在保縣城中賊未至故至今猶存

偽平東孫可望等東走復臨重慶守將曾英死之○初英起兵合州以涇陽李占春項城于大海為左右二人皆英腹心舊將以勇聞一鼓克復重慶而邑紳刁化神集主人助英共結陣塗山下永陸聯進四十里獻聞之顧劉文秀曰揚展不足忌重慶要害地不可失因遣文秀往爭之英令占春大海逆之爰攻城文秀大敗而還至是 大兵誅

獻偽平東可望四將之兵潰而東下時英守重慶賊突至佛圖關出英不意攻之英中矢而顛於渝河以致李占春于大海收殘卒二千退入涪州英福建人以偏裨著功夔門累績至總兵永明王假制封平蜀侯威名為賊所憚起兵時欲屯田於重慶督師王應熊不許有識者惜之

孫可望入涪州○有四姑羅氏女年十四其父大道引匿老鶴沱邊被搜投水死有邑人為其妻康氏為賊所獲不辱殺之

督師王應熊卒于畢等○可望等兵至應熊力不支遁入

永寧旋卒於畢節衛一子陽禧死亂兵中竟無後應熊巴
縣人萬歷四十一年進士其行述俱載明史

順治四年○是歲明孽各分據蜀

春正月孫可望等陷遵義○初賊據全川惟遵義未下為
王祥所守及獻誅可望等四偽將東走 大兵追之以糧
盡引還賊遂陷遵義

樊一蘄再駐江上○我師既還王祥等入保順二郡一蘄
復駐兵江上為收野計上書永明王王以為戶兵二部尚
書加太子太傅諸將祥等進爵有差時于大海據雲陽李

占春據涪州素稱據重慶諱詣據巫山譚文據萬縣譚宏
據天守城侯天馮據永寧馬應試據瀘州王祥據遵義楊
展據嘉定朱化龍曾勛等各據地自擅而宗室朱容藩故
倫沅巡撫李乾德以總制至楊喬然江爾文以巡撫至各
署置官於是全川盡附永明王

孫可望攻永寧知州曾異撰死之○異撰榮昌舉人知永
寧州賊至州人望風欲遁時江津進士程玉明貢生翼懇
勸在州署謀於異撰曰州據盤江天險扼夔全滇棄之不
守非人臣義也異撰因激兵士竭力拒守賊大至城陷閣


室自焚王明懋勲俱投火死自是黔西諸郡望風瓦解
孫可望入雲南○可望既下貴州諸郡邑遂直趨雲南取
會城據之

時蜀人死於滇者巡按羅國瓌夏衍虞王運開及弟運閏
國瓌嘉定人崇正癸未進士巡按雲南衍虞江津舉人曲
靖司李暑道事雲南破衍虞與國瓌書約義舉兵事覺二
人俱盡室死

王運開字巨錄夾江人崇正庚午孝廉為永昌推官可望
兵攻永昌運開結同官協力禦守以圖外應城陷墜衣冠

向北再拜死之

運閏字亨錄壬午舉人蜀亂往滇避禍且以省兄及至永
昌隔運開死迺口占曰行來漸近永昌府吾兄英靈如欲
語弟兄不作兩截人魂魄同歸見父母遂投江死滇人至
今以雙忠稱之



University of Washington Libraries, U.S.A

獨碧卷四

仁起順治戊子止
皇順治二年癸卯

順治五年 ○明葉尚分據焉

丹溪生彭遵泗著泉編述

○先是崇正中川賊有姚天動黃龍聚黨劫掠巡撫陳士奇
及道臣陳其赤葛徵奇郡守王行儉已令王錫管將趙榮
貴等設奇夾擊斬賊一千七百有奇生擒渠魁馬超一斗
麻代天王等二十餘人賊奔脫他徙而沔縣人袁韜因姦
婦事發逃投箬馬賊馬潮呼九思等繼踵姚黃日事掠殺
及獻入遂乘勢據蓬州儀隴南部各地方殺老幼擄精壯

*D5
753
P46
1745
V.4

University of Washington Libraries, U.S.A.

掘墓鬪墳生死無得免者數年間烏合愈眾分為十二大
隊時歲飢賊以人為食 順治二年我巡撫李國英大破
諸賊於遂寧之曠虛壩九思潮等走死輜以殘卒數百奔
川東歸樊一薊

○諸賊或稱四家或稱十三家袁輔武大定及夔州譚文諱
諸譚宏巫山劉體純鄧城胡明道金城姚玉川施州衛王
光興皆甚者其王有進景果勒張顯劉惟靈白蛟龍楊炳
英李世傑等莫可稽考總所謂十三家賊也

○又獻忠未敗李自成之眾先潰出關袁宗第賀珍之徒借

郝搖旗李本榮黨守素李永亨等約結十三家出入巴渠
巫峽間則所謂西山寇也

又各州縣亂民號土暴子以打衙堂為名凡胥吏之有聲
者糾眾擒之或抄之才或畀諸火甚則鬻食其肉官司東
手無可如何而一時紳士家豪奴悍僕戕滅其主起而相
應深山大谷中豎寨柵標旗幟攻劫鄉里以人為糧其惡
殆與獻等其時川南川北畏土暴子甚於流賊也時蜀太
饑人相為食先是丙戌丁亥連歲潦饑至是彌甚赤地千
里糲米一斗價二十金蕎麥一斗價七八金久之亦無賣

者蒿芹木葉取食殆盡時有裹珍珠二升易一麪不得而
殆有持數百金買一飽不得而死于是人皆相食道路餓
殍剥取殆盡無所得父子兄弟夫妻轉相賊殺其食人之
法亦有如下羹羊鮓把火和骨鬪等名目雞肋篇所載云
云也

外王父遜菴先生云往時避寇山中經過一茅屋突烟騰
起疑為居人直入見釜中所煮皆人手掌腿足等物駭愕
失聲時幸主者出外不然難免

家老僕云宅外里許有餓死於道者某某謀夜定剝之至
則土存一頭先為人所攫矣余兒時見親故中老叟數人
目黃如蠟詢之皆嘆人肝所致者

眉州民有陳大五劉尚等居城南外五里賀家橋有李三
樹然而不取計以誑行人使之竊李掩擒殺食前後所食
甚眾庚寅年事定被害民陳五吞首於官捕大五等斬之
民始安枕

其時瘟疫流行有大頭瘧頭發腫赤大幾如斗有馬眼睛
雙眸黃大森然挺露有馬蹄瘻自膝至脛青腫如一狀似
馬蹄三病中者不救

又鬼魅白晝出見與人爭道夜則聚於室中噪聒不休其名夢魂魔者人方就枕隱隱有物攝魂去傍有覺者疾呼可活少頃難救抹臉魔者黃昏時面皮自脫若剝削然不知所之二物來時形影模糊死者甚衆蓋殺劫之餘也故老云夢魂魔可以趕逐而抹臉魔必明火震鼓以守之最難防備

又遭亂既久城中雜樹蒼鬱成林人家遺夫食賊所殺人肉多鋸牙若猛獸羣聚為寨利刀不能功益害滋甚又多虎豹形如魑魅饕餮穿屋顛踰城樓而下投其人必重傷斃即棄去不盡食也白晝入城市遺民數十家日報為虎所害有經數日而一縣之人俱盡殘者

諸將相攻○時全川未附諸將據地自擅故巡撫李乾德者少遇異人授天書善占驗諸將中惟許袁韜武大定韜故姚黃餘孽大定則小紅狼別部也乾德欲與就功結二人為心腹先是李占春部將董子金有萬縣湖灘之戰韜亦返鬪入佛圖閣規重慶為己功長至大會韜自以位高踞李上占春不平心惡之乾德又陰為搆難占春遂並惡乾德乾德夜坐船屋仰視星氣咄咄謂今夕主急兵徒步

走匿岷谷頊之占春襲表不克搜乾德船無所得取其孥
以為質韜聞乾德亡大哭既迎至甚喜占春是日亦歸其
孥表武遂居重慶占春駐涪州之西平壩四面阻水結萬
將營賓客多歸之于大海壁忠州花陵河與李唇為遵義
守將王祥忌于李之盛而又欲為好於表也詐請占春叢
事伏兵執之軍中守者懈占春踰垣出殺追者一日夜歸
其壩上營祥尋與韜兩相責望而楊佺亦與祥有隙遣子
璟新攻之璟新先襲殺馬應試與祥戰敗歸因是諸將相
惡

袁韜武大定歸楊展○袁武久駐重慶士卒飢李乾德遣
人說展與合兵因其餉展喜納之搆為兄弟徙韜屯棧為
大定屯青神厚給其贖共犄角以防賊

已順治六年○是歲明孽相圖賊復自滇入蜀

朱容藩自稱楚世子建行臺於夔州稱制拜封○時楊喬
然已進總督范文光巡撫川南呂大器以大學士來督師
皆惡容藩共謀誅之

李乾德使降賊袁韜武大定刺楊展○李占春素與展善
佺以銀萬兩米萬石餽之表武不說乾德怨展遇已簡略

陰勸袁武圖殺三人合謀會展壽詭稱介置宴於棧為請
之展坦然不疑以一僮隨往既至三人益為恭謹疊相酬
勸展連飛數十觥大醉昇之密室令力士刺之
展起家武科以進士第三人及第智勇冠諸將獻賊深畏
之川西東之起兵者倚為長城既死人心解體士無固志
矣是時已進爵華陽伯

袁韜武大定圍嘉定三月陷之○袁武顯殺展以兵嘉定
定展子璟新力拒之三月城陷璟新以親丁三百騎逃出
其妻陳氏指袁武罵曰爾等窮來依我先人處以縣邑

資以多財何負於爾逆圖我家真殺心犬彘也袁武殺之
悉併展之貲與眾乾德遂勸袁武保據嘉定○璟新崇正
壬午武舉展長子

時州生員帥正邦母馮氏守寡有姿袁武強迫入贅馮氏
舉簪白刺死

李占春聞展被害率兵為展報仇不勝而歸曹勛與展刎
頸交時亦默然而阻樊一蘄投書責乾德曰嘉陵峨眉間
二三遺民不與獻忠之難者楊將軍力也且背施忘好而
取人杯酒之間天下其謂我何乾德笑以為救時大計詎

暨儒所能知耶然蜀紳士無不切齒乾德者

初王應熊既沒兵部尚書呂大器奉永明王命來川至涪州與將軍李占春深相結楊展及千大海胡雲鳳袁韜武大定譚宏譚詰譚文以下皆受約束大器因歷遍諸鎮謂監軍道陳許長曰楊展志大而踈袁韜武大定忍而好殺王祥庸懦不足仗事尚可為乎後忽於石砬司夜遁走黔之獨山州鬱鬱疽發背卒

庚寅順治七年○賊與明薩各分據蜀

朱容藩敗死崇陽○容藩據夔府自稱天下兵馬副元帥

呂大器檄李占春于大海討之容藩窘迫北依二譚兵以攻石砬占春來援容藩兵敗走死崇陽

秋九月孫可望復遣兵圍蜀○可望在滇聞袁韜武大定賊害楊展將圖蜀迺上書永明王為展訟寃使王自奇將兵向川南而別遣劉文秀白文選取遵義

劉文秀攻王祥於烏江祥敗自刎死○文秀文選等以兵至烏江王祥力戰不勝自刎死文秀降其衆二十萬盡收遵義地初獻入蜀畏祥不敢窺遵義前後拒守凡八年至是敗死聞者惜之時已晉爵蒸江伯

劉文秀渡金沙江攻定昌原任長沙知縣高明死之○文秀選別將盧各臣取重慶而已引兵渡金沙江攻建昌高明集士民拒於焦家屯賊兵勢衆力不敵歎曰我受朝廷官豈可從賊乎遂盡室自焚死

劉文秀攻臨越雋○寇攻城指揮王自敏妻周氏知不免謂所親唐氏曰前後等死耳他日恐其遲也遂挽唐氏闕室自焚同時王氏俞氏宋氏唐氏俱赴火死皆受聘於人而未嫁者

劉文秀攻黎州土千戶馬亭李華宇等戰死○初亭華宇及楊起泰等佐馬京破賊於龍觀川賊敗去沉黎不被寇者數年京卒亭襲為千戶文秀至竭力拒守被執不屈執華宇苦戰為賊擒剛之時年八十四指穴丁應選亦以年老亡於陣前共起兵富庄姜黃李奈蔡包張七姓子弟頭人俱戰死無一降者

劉文秀攻臨滄經知縣黃儒死之○儒福建舉人城臨巷戰被獲不屈賊磔于縣之開善寺

劉文秀能曹勳於雅州取之○勳初敗賊於雅州保據其境與楊展相聲援展死勳勢孤而劉道貞先以病卒范文

光因惡李乾德殺展入山不視事勛左右無人文秀突至
出勛不意取之

劉文秀屯兵于天生城○城在洪雅花溪口賊至蹀之時
余飛單騎出戰為賊所圍力殺十數人死陣中

卯字

順治八年○明孽與賊尚分探蜀

文秀大敗素韜武大定於嘉定降之○初王自奇兵至川
南袁武拒之聞劉文秀至撤兵還戰六戰六勝有輕賊心
俄而文秀起大兵壓其前自奇從後泝流尾擊一戰韜與
大定大敗悉就擒降於賊賊遂取嘉定

李乾德被執戴舟中不食者數日屆月波澤語弟升德曰
吾父死於賊也吾不可以再辱遂偕升德並閹家人俱赴
水死

乾德殺楊展蜀人惡之其將死也無稱之者且曰賊復入
川實彼名之雖死能蔽其辜乎

重慶復陷於賊○文秀既取嘉定舉兵東下而前破遵義
時所遺別將盧名臣者入涪州李占春逆戰於羣猪寺口
而敗于大海在忠州力不支遂共放舟出夔門走荆楚降
於

王師諸將盡散無一人敢應敵者譚宏譚詣譚文皆降文秀

壬辰順治九年○是歲 王師征蜀川南平

正月劉文秀復還雲南○文秀還雲南令白文選守嘉定

劉鎮國守雅州

三月

王師南征下嘉定○我師至鎮國文選俱敗挾曹勛走巡撫川

南范文光賦詩一章仰慕死時安綿道詹天顏兵敗被執

亦死之 文光內江舉人先官南京戶部員外天顏龍巖

人起家選貢生

先是 師至眉州向成功有衆五千據守石佛棧大兵攻

之破其柵成功中流矢死眉州平

秋九月樊一蘅卒○一蘅初以戶兵二部尚書加太子太

傅督諸文武恢復全川及諸將相攻令多不行而袁武殺

楊展王祥敗死烏江列鎮兵多散所保惟叙州一郡不得

志遂謝事居山中再聞范文光詹天顏朱化龍相繼為憂

營遊疾卒

己未順治十年○是歲○王師破賊川北

王師大破賊將文秀於川北○劉文秀及白文選率兵來攻大

兵奮擊破其象陣文秀等大敗

王師平蜀○自甲午以後蜀地漸歸版圖而諸賊之負固者猶
出入重夔巴峽間及順治十六年己亥譚宏諱詣共殺譚
文文安之率劉體仁袁宗第李來亨等十六營由水道歸
重慶聞之欲討宏詣二人懼率所部來降未幾

大兵取重慶叙州馬湖等屬時三郡為賊將盧名臣所據

我梅勒章京葛朝忠總兵陳德揚正泰水陸並進攻破佛
圖關直抵賊巢擒斬無數降牟勝赦而用之獻逆孽之擾
蜀者盡矣

初闖賊餘孽李赤心竄死廣西南寧間其子來亨代領其
衆走川東分據川湖間耕田自給而先潰出關之郝搖旗
名永忠袁宗第及劉二虎等共依給之時獻黨雖盡永忠
第尚據巴東 康熙元年壬寅冬十二月我總督李國英

奉

旨統秦豫廣三省兵將會四川進剿師駐萬縣賊棄夔州國英
兵至夔道路榛莽伐山開徑以入二年癸卯元日進奔羊
耳山宗第遁入深箐 我師屯七里壩宗第屯茶園坪山
勢陡絕諸將攀藤而上宗第敗走巴東 大兵進及巫山

遂據其城衆議移守夔門督師計平山地勢卑狹蹕馳驟
不便可利固守於是深溝堅壘具炮石城下樹梅花樁椿
外挑品字坑賊至不得進又於城外高處立敵樓以防偵
探具甫備郝永忠劉體純合數萬衆攻平山甚急我兵出
戰體純等敗走遼陝西會剿兵至陳家坡奪老木空體純
自縊大兵乘勝追至黃草坪袁忠宗第皆拔首惟李來亨
居茅麓山高險難攻我兵四面圍之來亨出入地名通梁
路徑懸絕我師蒙霧直上遂奪通梁來亨力窮勢迫八月
初六日焚其妻子自縊茅麓山破馬騰雲拓天寶王光澤

俱納款投誠至是闡尊之在蜀所謂西山寇於是盡全蜀
收入版圖一統萬世蜀人始獲享昇平之福矣

蜀碧附記

江津曹立卿府學生也賦性端方為鄉里所矜式煤山之
蕞公聞之北向泣血悲憤成疾及賊據川懸偽職逼勒士
紳公誓死不從疾劇戒子快曰吾家世受國恩汝又弱冠
登賢書茲大節攸闕之日失身取義山爭些子吾一生自
反無愧可謂得全爾勉之為問曰我此時若存一貪生念
便如烈火燒身想到守身全節即入清涼境界囑畢而逝
夾江宿士敏字元魯崇正丙子孝廉賊官至邑迫之出佯
應之治裝赴省至千佛崖策馬投江賊信其已死不復問

巴而潛過江岸乘夜走雅州山中易姓名以節終

宋文翼字怒飛丹稜人以應貢入國學授蜀藩長史甲申
巡撫陳士奇巡按劉之渤重其才授以監軍事及獻破成
都歸隱深山不出

郝孟旋川西舉人嘗起兵復雅州復與邛州劉道貞合兵
攻邛不克退守沉黎後不知所終

汪光翰字文鄉婺源人竟陵胡恒官川南道光翰為幕客
獻兵至臨邛恒命光翰出調兵并撤寧越守備楊起泰持
兵援邛未至而城陷與其子士驊戰死閭門百口遇害惟

士驊妻朱氏洵幼子我生得脫匿民間隨士驊母覓陳君
美者轉徙榮經縣降賊武大定駐嘉定聞朱氏有殊色劫
致之朱汚面毀容以免堅操撫孤光翰聞闕尋裸中得朱
氏母子所在事之甚謹值劍南大饑斗米十金光翰不避
刀俎多方保護之母子迺得全自是或服賈或課業或為
僧獲稍贏餘以給饘粥廿餘年不倦朱氏教子極嚴我生
亦讀書知自奮能文章矣蜀平狹路通光翰迺躬送朱氏
母子歸竟陵于是楚蜀莫不高朱之節誦光翰之義以為
忠臣孝子之報云 又有鍾之綬者字楷士亦竟陵人從

胡公入蜀遊義眉遂不歸聞胡公父子殉義迺自瓦屋山至榮經與光翰同撫孤兒歷八年所入滇至昆陽死

王承祖劍州御史梁之棟僕也獻據蜀之棟子田璧知不免止一五歲兒名繩武台承祖夫婦屬之曰一綫之脉盡

寄於汝其善保之梁氏一家俱遇害承祖負繩武及已子走賊追及棄已子而匿繩武巖穴中得脫後土賊起知繩

武所在欲率其資承祖負之乞食山中及賊息始出承祖為之耕耘婚娶延師教訓至 本朝庚子舉於鄉

曹椿明末名士也獻逆後奉永明王命來宰夾江其時四野蕭條烟戶鮮少椿至招流亡撫餘燼又急救士人以時

訓課嘗見城外大明寺考錄儒童詩云高樓野望影蕭蕭盡日無僧伴寂寥寺號大明知一統梁題萬歷紀先朝治

軍久已霜生鬢課士猶然劍繫腰濁酒一杯聊自適平原芳草倍魂銷時縣署熾於賊故於其試士公所作有鷓血

集為哀國之音云

李甲湖廣蒲圻人由舉人知雙流縣崇正甲申委署建昌監理歷至榮經值賊犯雅安義師戰潰甲隨師奔走力竭

死一僕守甲喪數年楚路通始載以歸

雷順虛元卿字調元天啟丁卯解元累官陝西寧夏道闖賊隔秦托迹黃冠潛遁秦徽問自題云生平志氣凌霄漢自許惟憑忠孝心家國陸沉身板蕩空拋血泪寄兒孫卒葬於隴徽人慕義祀之

雷雨津字起劍井研人崇正甲戌進士官兵部嘗過楚題洞庭廟云我是人龍君亦龍吾今胡為乎泥中憑君借得青驄兩手攬風雲滿大空甲申從張公玉笥監軍死○其子廷後知吳江縣

李俊英南部人府學生姚黃賊掠南部俊英泣涕指衆

兵旬日得千人禦賊江岸屢戰俱捷賊不敢南日久糧匱其弟泣告曰我等冒矢石城中人相繼遁去無捷矣曷暫退俊英叱之曰寧為君父死不為一身生自是毋敢言退者賊計窮將引還會同事有忌俊英者噪而南奔賊得從下游波圍之數重俊英奮勇突圍多殺傷不得出還至江岸投水死

劉養貞大邑人以進士任湖廣漢陽府推官陞部郎闖賊犯都懷宗崩國養貞為時服童菴悲勞不輟令貧邸舍以賣卜為生人呼為劉孝子病終於燕京

哀蜀藩

天杜星寥古社壇杜鵑聲盡石苔癢井花清冷無人汲
留得丹心萬古寒

張象華

邊徵錫封憐少子蜀王臺殿獨崔嵬誰從輦路鳴鞭過猶
記宣門拜刺來智井寒泉沉鳳羽天塔白日走龍媒短塢
桃李家家發畫角聲中杜宇哀陸海塵飛井絡昏錦城
茅屋半江村遺言日落牛羊過野市人稀虎豹踰檜樹冥
冥香徑遠海棠寂寞翠雲繁摩訶但有支機石尚共銅駝
卧草根

呂潛

萬歷末年民間好葉子戲園宋時山東羣盜宋江姓名於
牌而闢之至崇正時大或法以百貫活滅為感負曰闕曰
獻曰大順其後皆驗云

崇正十七年正月銅仁連界掘出古碑有字三行云東也
流西也流流到天南有盡頭張也敗李也敗敗出一箇好
世界或以為武侯所遺云

彭瑄字子白永川人崇正時以進士為給事中關八京藉
降不從自刎死

顧鉞號青城成都人崇正時進士為給事中闖入自刎未

絶復被執赤拷罵斃死

五



University of Washington Libraries U.S.A